

# *APOKALYPSY, TOKO*

## *FAHEFATRA FIZARANA I*

 Amena. Deraina ny Tompo. [Elanelana tsy voarakipeo—Mpand.]...tenako. Heveriko fa izany no toetran’ny olona maro. Tena tsara izany, ranabavy tanora eo, io andinininy farany io. Azoko antoka fa nankasitraka an’izany aho. Ary isika...eo am-pidirana ao amin’ny alin’ny Taona Vaovao dia tsy mihevitra aho fa afaka hihira zavatra iray tsaratsara kokoa ianareo, mety kokoa ho an’ity hariva ity.

<sup>2</sup> Toy ny hoe manomboka tsara an’ilay taona isika; ah-hah, tsara sy misy oram-panala ary rako-drano any ivelany, toetr’andro manokan’i Indiana mihitsy amin’ity fotoan’ny taona ity. Toy izany koa ianareo olona avy any Georgia izay hitako eto, ary any Ohio. Ankehitriny, Rahalahy Dauch, ianao sy Ranabavy Dauch dia mahafantatra hoe inona ilay izy, hoe mitovy amin’i Ohio. Ary...fa, eo am-pandehanana mankany amin’ny Tany iray izay tsy hisy iray amin’izany isika. Ah-hah. Izany ilay zavatra.

<sup>3</sup> Alin’ny Taona Vaovao izao, ankatoka. Ary, mazava ho azy, ny olona rehetra dia manoratra voady iray sy fanekena iray izay hataonareo ho an’ny Taona Vaovao, avy eo saiky ny afak’ampitso dia ho rava izy rehetra ireo. Ary noho izany, fantatrareo, mamadika pejy vaovao iray ianareo isan-taona, ary avy eo dia miverina ny ampitso maraina, nanao an’izany indray.

<sup>4</sup> Fa misy zavatra anankiray fotsiny izay—izay tiako ho lazaina, ary izany dia mitovy amin’izay nolazain’i Paoly Apostoly hoe, “Manadino an’ireo zavatra tany amin’ny lasa, ireo fahadisoako rehetra sy ireo zavatra rehetra izay nataoko, mandroso mankany amin’ilay mariky ny antso avo ao amin’i Kristy aho.” Izany ilay nenina tokana izay ananako dia ireo fahadisoako tamin’ny taona lasa, sy ireo ampahany lasa an’ny fiainako, ka mangataka Aminy am-panetre-tena fotsiny aho ny fahasoavana mba handroso mankany amin’ilay mariky ny antso avo. Azoko antoka fa izany no fanambarana an’ny—antsika rehetra, tahaka an’izany no ho tsapantsika.

<sup>5</sup> Mampalahelo fa hariva ratsy iray ilay izy ka—ka tsy afaka tonga ny olona. Ary niantso an-dRahalahy Neville aho, tsy fantako akory aza na afaka ny ho eto izy na tsia. Ary avy eo dia tonga Rahalahy Skaggs, ary avy any Kentucky any izy izay ananany dian-tongotra telo na mihoatra any. Ary noho izany...Na, “Saiky tahaka an’izao,” hoy izy, noho izany dia naka mpamboly iray izy nisintona azy indroa ary nametraka azy

teo ambonin'ny havoana niaraka tamin'ny trakitera iray. Ary noho izany dia nieritreritra aho hoe, "Eny, raha roa na telo inches fotsiny izany, dia tsy hiraharaha an'izany isika, ah-hah, raha mbola tahaka an'izany foana ilay izy." Fa azo andehanana ireo lèlana ka mandeha ny olona rehetra.

<sup>6</sup> Ankehitriny, mazava ho azy, izao hariva izao dia hariva iray izay andrenesantsika avy amin'ireo mpitoriteny isankarazany, ireo samihafa izay tonga. Ary ho tonga angamba izy ireo manerana an'ireo ampahany samihafa izao hariva izao, hatramin'ny misasak'alina. Heveriko fa hipetraka izy ireo ka handinika raha ny...ny handehanan'ny Taona Vaovao... hiditra, ary ilay tranainy iray hivoaka. Ary mazàna dia miantso manodidina ny alitara izy ireo ka mivavaka sy—sy manao ny voadiny amin'Andriamanitra ary manavao ny—ny voadiny.

<sup>7</sup> Niteny tamin-dRahalahy Neville aho... Ary niantso azy aho mba hahita raha ho avy izy. Nilaza aho fa raha tsy avy izy, dia hiezaka aho ny hanohy amin'ny tsara indrindra izay vitako. Ary avy eo raha tsy afaka ny ho tonga eto izy ny maraina, nahoana, dia hanohy hanao an'izay rehetra vitako aho raha mbola izy no—tsy teto izy. Ary niteny taminy aho fa hiezaka aho izao hariva izao, nieritreritra ny amin'ny hananana hafatra iray eo amin'ny dimy ambin'ny folo minitra eo fotsiny, na zavatra iray. Ary, hitantsika fa manana mpitoriteny maro hafa ianareo mipetraka eto, miandry.

<sup>8</sup> Noho izany aho dia...nieritreritra fa hanomboka aho ary hanohy fotsiny eo amin'ity Bokin'ny Apokalypsy ity, hanohy fotsiny avy hatrany, haka ny toko faha-4 ankehitriny, hanomboka. Ary raha tsy mahavita azy hatramin'ny farany isika amin'ity fotoana ity, dia hanohy isika amin'ny fotoana manaraka. Avy eo dia handeha hatrany amin'ny faha-5, sy faha-6, ary arak'izay vitantsika fotsiny. Hanampy antsika anie ny Tompo hahavita an'izany hatramin'ny farany.

<sup>9</sup> Tiako ny hilaza, alohan'ny hanombohantsika, fa nisy... nanana famangiana iray vao teo avy—avy...Rahalahy Drummond Thom sy ny vadiny. Io ny reniny sy ny rainy mipetraka eto izao hariva izao. Ary vao avy niverina avy tany Afrika mihitsy izy ireo izay nanaovany fivoriana lehibe famonjena fanahy sy asam-panasitranana avy amin'Andriamanitra. Io ramatoa kely io dia naka ny...Mino aho fa ny toeran'ny renibeny, indray andro, ary nanana fivoriana iray tany am-ponja, ka nanatona ny Tompo ireo mpanotra, sy ny zavatra rehetra. Mahafinaritra fotsiny hoe toy ny ahoana no ampiasan'Andriamanitra an'io mpivady tanora io. Eto Amerika vetivety izy ireo ankehitriny mba hanao fitoriana filazantsara iray.

<sup>10</sup> Raha ny iray aminareo pasitera... Tiako ny hanoratra amin-dRahalahy Drummond ny...Drummond, izaho, hia, afangaroko

tanteraka io anarana io. Nahoana izy no tsy afaka naka anarana Anglisy iray tsara fotsiny ka nanadino ny mikasika an'izany? Ndao isika hanome nomerao iray ho azy fotsiny, ahoana hoy ianareo, satria tsy mety vitako izany, tsia. Tsy mihevitra aho fa afaka mahavita an'ilay izy ny antsasany amintsika. "Drummont," heveriko, no fomba marina hanonananareo azy; ary Ranabavy Charlotte. Raha te-hanana azy ireo ny iray aminareo, dia azoko antoka fa tiako ny handre azy ireo tonga ao amin'ny fiangonanareo.

<sup>11</sup> Io ramatoa io, io Ranabavy Charlotte io, ankizy iray fotsiny izy. Nijoro vavolombelona izy tany vao teo, tamin'i Meda, ny amin'ny fahatsapana izay nananan'izy ireo tany Afrika, ary teneniko aminareo fa izany dia... Billy, namerina an'ireo andro fahing indray izany; toy ny hoe miteny Afrikaans. Ary noho izany dia mitohy ilay ady any tahaka azy eto mihitsy.

<sup>12</sup> Raha misy olona te-hanana an-dRahalahy Drummond ho an'ny...sy Ranabavy Charlotte, ho an'ny asam-pitoriana iray ao amin'ny fiangonany, raha tianareo, dia antsoy fotsiny i Rahalahy Tony Zabel ao amin'ny MELrose 7-3945. Raha tianareo ny handray naoty an'izany, ny sasany aminareo mpitoriteny, dia manoro anareo aho an-dRahalahy... Satria mpitory teny tsara iray izy, zazalahy tso-po, izay mila fanombohana iray marina tokoa, hanomboka. Ary izy dia zazalahy tsy manan-tahotra, tsara, ary tena tiako tokoa izy. Ankehitriny, tsarovy, MELrose 7-3945. Ary havelako eto ity karatra kely ity, izay raha ianareo... Ity no karatr'izy ireo, ary raha sendra tsy afaka mandray naoty an'ilay nomerao ianareo, eny, dia afaka maka azy, na amin'ny fotoana rehetra aorian'ny fiafotana eo anelanelan'ireo fotoana samihafa izao hariva izao. Ary alaivo ny nomeraon'izy ireo ka antsoy izy ireo raha tianareo ny hanana azy ireo ao amin'ny sasany amin'ireo fiangonanareo ho an'ny favoriana iray, na olona iray izay fantatrareo fa te-hanana azy ireo, satria manao tafika masina manerana an'i Amerika mihitsy izy ireo.

<sup>13</sup> Tsy zavatra iray ve izany? Afrika no tsy maintsy mandefa misionera eto Amerika! Ity no toerana ilain'izy ireo, eto mihitsy, ratsy lavitra noho ny any.

<sup>14</sup> Noho izany dia firy no faly sy sambatra fa nitahiry anareo nandritry ny taona hafa iray ny Tompo? Ary eto isika, manatona eo amin'ny faran'ny lalana. Ary mivavaka aho mba hamelan'Andriamanitra antsika amin'ny fahotantsika rehetra sy ny tsirambintsika.

<sup>15</sup> Ankehitriny, dia te-hilaza an'ity aho alohan'ny hanombohako. Mirary aho, ho an'ny tsirairay avy aminareo rehetra, taona vaovao feno fahombiazana sy feno fitahiana ary fahasalamana izay azoko irariana ho anareo. Homba anareo anie Andriamanitra! Enga anie ianareo hitombo ara-batana, sy ara-panahy, sy ara-bola, ary ara-pitaovana. Ny zavatra rehetra

izay azon'Andriamanitra entina ho anareo, dia mivavaka aho mba Hanaovany an'izany.

<sup>16</sup> Ankehitriny dia miatrika taona vaovao iray aho, ny tenako, Andriamanitra irery ihany no mahafantatra an'izay mipetraka amin'ny ho avy. Ary tsy maintsy raisina eo no ho eo ireo fanapahan-kevitsika. Manana ny raharahantsika isika rehetra. Rahalahy Jim, any, dia nanao an'izany ho vonona ankehitriny, ho an'ireo fanasana sy ny sisa avy any amin'ny iraisam-pirenena, manerana an'izao tontolo izao; mba hahita an'izay hitarihan'ny Tompo anay. Ary mangataka an'ireo vavakareo olona tokoa aho, mba hivavaka amin'ny fonareo rehetra mba tsy hamelan'Andriamanitra ahy mihitsy ho diso lâlana. Izaho—izaho... Ny zavatra rehetra izay tiako haha-izy ahy, dia ny ho tso-po ary tsy ho diso lâlana mihitsy. Ary ankehitriny, efa nanana taona tsara iray aho.

<sup>17</sup> Matetika, dia tsy mahazo ny olona. Ary rehefa hoy izy ireo hoe, "Rahalahy Branham, ianao dia—ianao dia... tsy mandeha any amin'ireo toerana tahaka ny nandehananao taloha ianao, sy tahaka ny andehanan'ireo mpitoriteny hafa rehetra ireo, ka manana ny rehetra..." Izaho—nianatra zavatra anankiray aho, izay fianarana lesona iray avy ao amin'ny Baibolintsika sy avy amin'ny Tompontsika, hoe Jesosy dia tsy lehilahy mpanao fampisehoana iray. Izy—tsy nanana an'izany Izy, tsy nanana ny maha-lehilahy mpanao fampisehoana Izy. Hitanareo, Izy—Izy dia tsy lehilahy mpanao fampisehoana iray, mihitsy. Ary tsy mino aho fa lehilahy mpanao fampisehoana ireo Mpianany. Tsy mba nanao ny tenany ho lehilahy mpanao fampisehoana mihitsy izy ireo.

<sup>18</sup> Eo no heveriko fa mahatonga antsika ho tara betsaka an'ilay sambo amin'izao andro izao, (Hevitro manokana fotsiny angamba izany.) hoe, rehefa tsy maintsy manao fitsofana goavana iray isika mikasika ny zavatra rehetra, fantatrareo hoe nahoana, heveriko fa toy ny hoe fampisehoana iray ilay izy raha tokony ho ny fahamasinana.

<sup>19</sup> Efa voamarikareo ve tamin'ny fihavian'ny Tompo, ireo izay nandray Azy marina tokoa? Dia i Simeona, tsy nisy olona nandre na inona na inona mikasika azy mihitsy, saingy niandry ny Tompo izy. Ana jamba, tao amin'ny tempoly. Jaona Mpanao-batista, tany an-efitra. Ary ireo...

<sup>20</sup> Lasa tany an-efitra i Jaona tamin'ny fahasivy taonany, tsy niseho intsony indray raha tsy telopolo taona izy; tany an-efitra. Ary ireo olona tahaka an'izany izay nino niafina, ka nijanona ho manetry tena, izy ireo no niandry ny fihavian'ny Tompo. Ary tsy nanabontsina an'ireo favoriary mihitsy izy ireo ka tsy maintsy nametraka peta-drindrina lehibe ("Ilay ora! Ilay fotoana!") ary—ary ireo fandaharan'ny televiziona sy ny zavatra rehetra. Mety

tsara daholo izany ho an'ireo izay te-hanao azy tahaka an'izany, saingy, ho ahy, dia toa tsy tahaka an'i Kristy izany.

<sup>21</sup> Fantattro fa indray andro dia niteny Taminy ny Rahalahiny, nanao hoe, "Manao an'ireo fahagagana sy ny sisa Ianao, nahoano Ianao no tsy miakatra eto any—any Jerosalema? Ary handeha hankany amin'ny fetin'ny Paska izahay, hiantso an'i Kaiafa ilay mpisoronabe, ary izy rehetra ireo, ka hampahafantatra azy ireo. Ataovy eo anatrehan'izy ireo tahaka an'izany ilay izy, mba hahitan'izy ireo an'ireo Asanao. Ary ankehitriny, hitanareo, inona no Iadaladalanao amin'ny andiana mpanjono, sy ny sisa, eo amin'ny renirano, ary io kilasin'olona ambany io? Inona... Nahoana Ianao no tsy tonga eto ka mamela an'izao tontolo izao hahita an'izany?" Hitanareo?

<sup>22</sup> Hoy Jesosy hoe, "Ny oranareo dia eo foana, ny Orako tsy mbola tonga." Ah-hah. Hitanareo?

<sup>23</sup> Indray mandeha i Jaona dia...Jaona Mpanao-batisa, ny—ny Soratra dia miresaka ny aminy ho avy. Ary nanao hoe, "Rehefa tonga izy, ka..." Nahoana, nilaza Isaia, teo amin'ny roa ambin'ny folo sy fitonjato taona talohan'ny nahaterahany hoe, "Hisy feon'ny anankiray miantsoantso any an-efitra." Ary nanao hoe, "Nitsambikina tahaka ny zanak'ondry kely ireo tendrombohitra rehetra, nitehaka ny tànany ireo ravina rehetra, naetry ireo toerana avo, ary nasandratra ireo toerana iva."

<sup>24</sup> Faminaniana tahaka an'izany! Inona no heverinareo ny amin'ireo mpitoriteny an'izany andro izany...Rehefa nandray an'Izany izy ireo, dia tsy maintsy nanao hoe, "Oadray! Rehefa tonga io mpaminany lehibe io, dia hahafantatra azy ny olona rehetra. Hamelatra an'ireo karipetran'ny lanitra mihitsy Andriamanitra, hidina ambany ireo lâlantsaran'ny Lanitra, hidina ny kalesy afo iray, hiambina azy hatreto an-tany ny tarik'anjely iray."

<sup>25</sup> Rehefa tonga izy, dia mpitory teny antitra iray feno volon-tarehy niaraka tamin'ny silaka volon'ondry voarakotra nanodidina azy, niaraka tamin'ny silaka hoditra iray ho fehinkibo. Angamba tsy nandro mihitsy; isaky ny telo na efa-bolana. Tany an-efitra tany, nivoaka, nitsangana tao anaty fotaka, lalina hatreto amin'ny lohalika, nitory teny hoe, "Mibebaha, fa antomotra ny Fanjakan'ny Lanitra!" Tsy nandeha nankany antanàna mihitsy izy. Raha nisy olona iray te-handre azy, dia nivoaka nankany Jordana izy ireo mba hihaino azy, ireo izay te-hihaino. Inona no nataony? Nanozongozona an'ilay firenena izy, nanozongozona an'izao tontolo izao izy.

<sup>26</sup> Misy fanozongozonana iray miseho ka tsy mahafantatra na inona na inona mikasika an'izany ny olona. Rehefa tonga Jesosy, dia tsy naneho ny Tenany teo anivon'ireo ambony goavana mihitsy Izzy. Tonga teo amin'ny Azy Manokana Izzy, tonga teo amin'ireo Izzy niandry Azy Izzy. Eo no tonga ilay

fanozongozonana. Izany no Ataony amin'izao andro izao. Tonga eo amin'ireo izay nantsoin'Andriamanitra ny Fanahy Masina. Misy fanozongozonana lehibe iray eo anivon'ilay Voafidy. Zavatra lehibe, mahery no miseho, saingy tsy mahafantatra na inona na inona ny amin'izany izao tontolo izao.

<sup>27</sup> Mihevitra izy ireo, io karazan-javatra goavana feno voninkazo io, sy ireo fandaharan'ny radio manerana an'izao tontolo izao, sy ireo televiziona, sy ireo tranobe an-tapitrisany dolara, ary ny zavatra rehetra, hoe izany ireo zavatra izay lasa malaza. Fahadalana eo imason'Andriamanitra izany. Tsy mijery an'ireo zavatra goavana Andriamanitra. Izay antsoin'ny olona hoe "fahadalana," no antsoin'Andriamanitra hoe "Lehibe"; ary izay antsoin'ny olona hoe "lehibe," no antsoin'Andriamanitra hoe "fahadalana." "Nahafaly Azy, tamin'ny alalan'ny fahadalanan'ny fitorian-teny, ny namonjy an'ireo izay very."

<sup>28</sup> Ankehitriny, Jaona. Inona no heverinareo ho lazain'izy ireo? "Misy fanatika antitra iray any, lehilahy antitra feno volontarehy, nivoaka avy tany an-efitra miaraka amin'ny hoditr'ondry iray voarakotra manodidina azy. Ary, nahoana, mitsangana ao anaty fotaka izy, tsy manao kiraro, any eo amoron'i Jordana, ary manao hadalana any. Iza no mba nandre zavatra tahaka an'izany?"

<sup>29</sup> Rehefa tonga Jesosy. "Mesia iray, teraka ao anaty tranon'omby any ve, eo ambonin'ny antonta-mololo, ary—ary biby fiompy no mitretrena manodidina? Ary—ary ny tianareo lazaina dia miaraka amin'ny reny iray... Zazasary, satria ny rainy... Efa bevohoka ilay reny talohan'ny nivadian'izy ireo mihitsy aza, nahoana, teraka tany ivelan'ny voadim-panambadiana masina Izzy. Io lehilahy io ve?" Oh, oadray! Hitanareo? Saingy Lehibe Izany, tsy fantatr'izy ireo fotsiny Izany. Hitanareo? Tsy fantatr'izy ireo Izany.

<sup>30</sup> Ary toy izany koa ny Filazantsara amin'izao andro izao "Lehibe." Ary ny Filazantsara dia manozongozona tahaka ny tsy mbola Nanozongozonany tany aloha mihitsy, saingy manozongozona Izzy ao amin'ilay sisa nanamborana. Marina izany, manao azy ireo ho vonona.

<sup>31</sup> "Tonga tamin'ny Azy Manokana Izzy, fa ny Azy Manokana tsy nandray Azy." Niteny tamin'ireo Mpianany Izzy hoe, "Aza mandeha any amin'ny lalan'ireo Jentilisa, fa aleo mandeha mankany amin'ny ondry verin'ny Isiraely. Ary, raha mandeha ianareo, izay mandray anareo dia mandray Ahy. Rehefa mandeha mankao amin'ny tanana iray ianareo, ka tsy handray anareo izy ireo, dia ahintsano ny vovoka eo amin'ny tongotrareo ka mialà lavitra. Ary Lazaike aminareo marina tokoa, fa ho moramora kokoa ny ho amin'ny tany Sodoma sy Gomora amin'ny andron'ny Fitsarana noho ny ho amin'izany tanana izany." Ary

ny tsirairay avy amin'ireo tanàna izay nandà an'ireo lehilahy ireo dia mandry ao anatin'ny lavenona androany. Ny tsirairay avy izay nandray azy ireo, dia mbola mitsangana tahaka ny tendron-tilikambo iray foana. Marina izany, hitanareo. Maka fotoana ela hamaliana; saingy mamaly Andriamanitra, aza manahy. Tsy te-hanomboka eo amin'io anankiray io aho, tsy ho tonga eo amin'ny Apokalypsy mihitsy aho. Oh!

Oh, te-hahita Azy aho, handinika ny Tavany,  
Hihira eo mandrakizay ny amin'ny Fahasoavany  
mamonjy;  
Avelao aho hanandratra ny feoko eo amin'ireo  
làlamben'ny Voninahitra;  
Rehefa lasa ireo fanahiana rehetra, ka ao an-trano  
ihany amin'ny farany, hifaly mandrakizay.

<sup>32</sup> Tiako izany. Ndao isika hanondrika ny lohantsika vetivety. Tianareo ve ny hitsangana alohan'ny anaovanareo an'izany? Izaho—heveriko... Hoy ny Baiboly hoe, “Rehefa mitsangana ianareo, mivavaka, dia mamelà.” Firy no manana fangatahana iray ka tianareo fotsiny ny hampahfantatra an'izany amin'ny alàlan'ny tànana iray mitsangana fotsiny? Tsarovy, hitan'Andriamanitra izany, Fantany ny rehetra mikasika an'izany.

<sup>33</sup> Ry Rainay any An-danitra, manatona Ny Fahamasinanao Masina izahay amin'ny Anaran'ny Tompo Jesosy, ilay Anarana ampy tanteraka izay nomena teto teo anivon'ny olona, ka ny fianakaviana rehetra any An-danitra sy eto an-tany aza dia nantsoina avokoa hoe “Jesosy.”

<sup>34</sup> Ary mivavaka izahay, Tompo, mba Handraisanao ny fisooranay. Voalohany, mba hanombohana, ity taona eo am-pahafatesana ity... raha mivoaka avy ao aminy amin'ny asa izahay izao hariva izao, mivoaka avy ao aminy manome ny dera, mianatra Ny Teninao ary mahafantatra ny dikan'ny HOY NY TOMPO HOE. Zavatra firy no azonay raisina naoty eo amin'ny taratasy iray mba hankasitrahana! Ireo fandosirana kely, tery izay nanananay tamin'ity taona ity, izay ho nanemporan'i Satana ny fiainanay, saingy tsy mbola mahavita ny aminay Ianao. Noho izany dia mbola manohy foana izahay. Mino izahay, Tompo, fa teraka sy notezaina teto amin'ity izao tontolo izao ity fotsiny izahay mba hanaja sy hanome voninahitra Anao.

<sup>35</sup> Ary mivavaka izahay, Ray, mba Hamelanao anay ny amin'ny heloka rehetra sy ny fahadisoana rehetra izay nataonay nandrity ny dia. Avelao izahay hanadino an'ireo fahadisoanay izao hariva izao raha miaiky azy ireny izahay, mandevina azy ireny ao amin'ny Ranomasin'ny Fanadinoana, amin'ny Anaran'ny Tompo Jesosy, tsy hangady azy ireny intsony indray; fa handroso mankany amin'io marika io, mankany amin'io

Lehilahy tanteraka io, Kristy Jesosy. Ekeo izany izao hariva izao, Ray.

<sup>36</sup> Raha miresaka ireo Mpanomponao, ny tsirairay avy amin'izy ireo, dia enga anie Ianao hanosotra azy ireo amin'ny Fanahin'Aina, ary enga anie izy ireo hitory teny tsy tahaka ny tany aloha mihitsy, ka hitondra an'ireo hafatra ao amin'ny fiangonana izao hariva izao.

<sup>37</sup> Ary miangona eto ambanin'ity tafo kely ity izahay, ka mankasitraka an'izany, Tompo. Mankasitraka izahay ny manana afo mafana iray hipetrahana eo akaiky, nohon'ny tafo iray eo ambonin'ny lohanay, izay ihany no ilaina.

<sup>38</sup> Satria tsy ato amin'ity izao tontolo izao ity ny harenanay, izany dia ao amin'ilay tontolo izay ho avy. Andriamanitra, mametraka any ambony any izahay izay inoanay fa tsy azon'ireo mpangalatra simbàna na robaina, ary tsy manimba azy ny kalalao, satria ny harenanay dia Fiainana Mandrakizay. Ary mivavaka izahay, Ray, mba Hamelanao anay ho tia fatratra an'izany amin'ny androm-piainanay rehetra.

<sup>39</sup> Ataovy mpanompo mendrika izahay. Esory aminay ny ratsy rehetra, Tompo, ny lasa rehetra. Apetraho izany... Enga anie hiala amin'ny fiainanay ireo fakan'ny fo lentika rehetra sy ny fangidiana rehetra, mba hahatonga anay hanetry tena sy ho malemy fanahy eo Anatrehanao. Ekeo izany, Tompo. Mamelà anay hanana ny taona lehibe indrindra izay tsy mbola hany nanananay, io taona ho avy io. Ekeo izany. Omeo anay ankehitriny, izao hariva izao, Ny Teninao raha miandry hatrany ny Hafatrao izahay. Amin'ny Anaran'i Jesosy no ivavahanay. Amena. Mahazoa toerana.

<sup>40</sup> Ankehitriny, sarotra kely ho ahy ny mahita an'io famantaranandro eo io, ary tsy te-hampiandry an'ireo rahalahiko aho, noho izany dia hiezaka aho ny handeha haingana arak'izay azo atao ka hahita an'ity ampahany ity. Ary, angamba, raha tsy mahavita isika, amin'izay fotoana izay dia hiezaka hanohy angamba isika rahampitso maraina, raha sitraky ny Tompo. Ary avy eo raha tsy mandalo Rahalahy Neville, na inona na inona, eny, amin'izay fotoana izay aho dia hiezaka, raha sitraky ny Tompo, ny ho eto mba hitarika ny fotoan'ny sekoly Alahady.

<sup>41</sup> Ankehitriny, aza adino ankehitriny:

Mivavaha, mivavaha, ny fomba tokana  
...hahatrarana ireo toerana avo kokoa;  
Mivavaha, mivavaha, ny vavaky ny finoana  
No hampidina an'ireo fitahian'Andriamanitra.

<sup>42</sup> Izany no fomba tokana hany hanaovanareo azy. Ndao isika hihira an'izany miaraka. Taona Vaovao ity ankehitriny. Manana fotoana betsaka isika.

Ndao isika hivavaka, hivavaka, ny fomba tokana  
 Hahatrarana ny toerana avo kokoa;  
 Mivavaha, mivavaha, ny vavaky ny finoana  
 No hampidina an'ireo fitahian'Andriamanitra.

<sup>43</sup> Noho izany raha ny vavaky ny finoana no mampidina an'ireo fitahian'Andriamanitra, dia ndao isika hanohy hivavaka. Tena faly isika, izao hariva izao, mandray an'ireo endrika vaovao ao amin'ny Fanjakan'Andriamanitra izay tsy tato tamin'ny taona lasa. Ary izaho dia, manohy mivavaka fotsiny mba betsaka sy betsaka no hiampy foana. Ary tsy mbola ny antsasany mihitsy no voateny ny amin'izay hisy any amin'ilay ilany hafa.

<sup>44</sup> Ankehitriny, hamadika ao amin'ny toko faha-4-n'ny Apokalypsy isika. Misy olona mila Baiboly iray ve? Manana Baiboly sasantsasany izahay eto ambony eto raha tianareo ny hanaraka anay. Eny ary, manatôna ny iray amin'ireo mpampiditra olona ankehitriny, manana Baiboly andiany iray manontolo mihitsy izahay eto. Ny iray amin'ireo mpitantan-draharaha, mpampiditra olona, na zavatra iray, miakara eto izao ankehitriny izao. Rahalahy Zabel; aoka hisy anankiray amboniny ho avy, ihany koa. Raha te-hilahatra eo amin'ireo ilany roa fotsiny ianareo, dia hidina eo amin'ny lâlantsara izahay. Ary ny olona anankiray izay mila Baiboly, mba hanaraka miaraka aminay, nahoana, alaivo avy hatrany fotsiny izy ireo ka omeo ny olona izay mila azy ireo.

Ary tianay ianareo hamadika ankehitriny ao amin'ny Apokalypsy, ny toko faha-4.

<sup>45</sup> Ary, ankehitriny, raha mipetraka any aoriana ianareo ka te-handroso eto aloha eto, dia manana efitra betsaka mihitsy izahay izao hariva izao hifindranareo. Ary ataovy mahazo aina ny tenanareo, ka araho tsara fotsiny ny lesona ary ampio aho hamaky azy, sy hianatra azy raha tonga miaraka isika. Misy sez a eto. Mahita mpivady tonga aho. Ary misy sez aroa eto mihitsy. Ity misy anankiray ho an'ilay anankiray irery eto mihitsy. Ary ato aoriana ato mihitsy, misy sez a mihitsy eto. Ataoko fa manerana kely fotsiny ireo mpanome rivotra.

<sup>46</sup> Ary ankehitriny, firy no nankasitraka ny lesontsika izay vao avy azontsika, ilay lesona valo andro teo amin'ireo *Taom-Piangonana Fito?* Misaotra anareo. Manao ahy hahatsapa ho tsara izany, satria nahazo fitahiana lehibe iray marina tokoa avy tamin'izy ireo ny tenako.

<sup>47</sup> Ankehitriny, izao hariva izao miaraka amin'ny toko faha-4, hamarana isika ankehitriny, niresaka tamin'ny Taom-Piangonana Laodikia i Jaona. Ary, tao amin'io Taom-Piangonana Laodikia io, izany no taom-piangonana nifanjevo indrindra tamin'ny sisa rehetra tamin'izy ireo.

<sup>48</sup> Ary hitantsika ilay zavatra mampangoraka indrindra tao amin'ny ampahany farany an'ny Taom-Piangonana Laodikia,

Jesosy nitsangana tany ivelan'ny Fiagonany Manokana izay nametrahana Azy tany ivelany, nandondona teo am-baravarana, niezaka ny hiverina hiditra. Tsy mahamenatra ve izany? Heveriko fa izany no iray amin'ireo Soratra mampangoraka indrindra izay hany novakiako. Jesosy, any ivelan'ny Varavarany Manokana, ary ny Fiagonany no nametraka Azy tany ivelany, nefà Izzy niezaka hiverina hiditra mba hamonijy azy ireo fotsiny. "Raha misy olona hamoha, hamela Ahy hiverina hiditra ao amin'ny Tranoko Manokana, dia hiaraka hisakafo aminy Aho ary izy Amiko." Izany ve tsy . . . tsy mampangoraka ve izany? Ilay Andriamanitry ny Lanitra, napetraka tany ivelan'ny Fiagonany Manokana, tamin'ny alalan'ireo faneke-pinoana sy anaram-piagonana ary ny fomba izay nataon'izy ireo. Nametraka azy ireo tany ivelany . . . nametraka Azy tany ivelan'ny fiagonana, nanaiky ny faneke-pinoan'izy ireo.

<sup>49</sup> Izany ilay tena zavatra iray ihany mihitsy tahaka ny tamin'ny andro izay nanohomboana an'i Jesosy. Ary izany ilay izy rehefa nanaiky an'i Barabasy izy ireo, mpamono olona iray, ka nanohombo an'i Jesosy. Namotsotra mpamono olona iray teo anivon'izy ireo, izay voaporofa "mpamono olona iray," ary nanaiky . . . ary nandà an'i Jesosy Kristy, ilay hany Tokana izay afaka nanome Fiainana ho azy ireo.

<sup>50</sup> Ary izany ilay zavatra iray ihany izay ananan'ny anaram-piagonana tsirairay, sy ny anaram-piagonana Pentekotista, amin'izao andro izao. Hitan'izy ireo fa tena maty haingana mihitsy ireo anaram-piagonana ireo vantany vao manao anaram-piagonana izy ireo. Tsy nisy anankiray mihitsy (ao—ao amin'ny pejin'ny tantara) izay hany nanao anaram-piagonana ka mba nahavita zavatra afa-tsy ny maty teo no ho eo. Ireo famantarana rehetra, fahagagana, ary fanomezam-pahasoavana dia niala tamin'izy ireo, ary ny zavatra hafa rehetra, vantany vao nanao anaram-piagonana izy ireo. Ary raha tokony hanaiky ny Tompo Jesosy hanome Fiainana ho azy ireo, dia niverina avy hatrany izy ireo ka namotsotra an'i Barabasy teo anivon'izy ireo indray. Tsy zavatra mahatsiravina ve izany? Tsy mahagaga raha navoaka tany ivelan'ny Fiagonany Andriamanitra, ary nitsangana, nandondona, ilay taom-piagonana farany, niezaka ny hiverina hiditra.

<sup>51</sup> Ankehitriny, hitantsika fa ny Apokalypsy dia voazara ampahany telo. Ny voalohany dia ny toko telo voalohany, mikasika ny Fiagonana, ny Hafatra, ny anjely . . . ireo anjelin'ilay Fiagonana. Ary manomboka . . . Ary avy eo dia manjavona avy hatrany Izzy ao amin'ny toko faha-3, tsy miseho indray raha tsy ao amin'ny toko faha-19, niverina Izzy ao amin'ny toko faha-19. Eo anelanelan'io fotoana io, dia mifanaraka amin'ny Jiosy Andriamanitra. Avy eo, manomboka eo, ilay izy dia eo anelanelan'ny fihavian'ilay tanàna malazan'i Jerosalema,

sy ny—ny fanisiana tombokase an'ireo vahoakan'i Isirael, sy ny sisa, amin'ny andro farany.

<sup>52</sup> Ankehitriny, noho izany izao hariva izao dia avelantsika . . . Taorian'io avy hatrany, dia nahita i Jaona . . . Tao amin'ny nosy Patmo . . . Firy no mahatsiaro hoe firy ny halaviran'i Patmo avy teo . . . avy teo amin'ilay morona? Firy ny halavirany? Teo amin'ny telopolo maily, marina izany, avy teo amin'ilay morontsiraka. Ary firy ny faribolan'i Patmo? Mahatsiaro ny sasany amin'ny jeografia ve ianareo? Eo amin'ny dimy ambin'ny folo maily manodidina eo. Ary izany dia nampiasaina ho fanaovana sesitany iray ho an'ny Romana, nametraka an'ireo gadra tany. Ary tany i Jaona ho an'ny inona? Inona no nataony? Izy ve—nangalatra zavatra ve izy? Tsia. Izy ve . . . Nametraka azy tany izy ireo satria nanakorontana ny olona ve izy ary . . . na nanao zavatra ratsy? Tsia. Ho an'ny inona no naha-tany azy? Ho an'ny Tenin'Andriamanitra sy ny filazany, ho an'ny fitoriana ny Filazantsara.

<sup>53</sup> Ary mety misy zavatra hitranga amin'ny Kristiana iray ve raha tsy ho an'ny tsara indrindra izany? Tsia, tsia, tsia. Noho izany dia ho an'ny inona no nametrahan'Andriamanitra azy irety tao amin'ilay nosy? Hanome antsika an'ity Bokin'ny Apokalypsy ity. Hitanareo, Andriamanitra dia afaka misintona an'ilay volon'ondry eo amin'ny mason'ny devoly mihitsy amin'ny fotoana rehetra izay Tiani. Tsy afaka ve Izy? Afaka fotsiny izao Izy. Tiako fotsiny Izy. Satria, tsy voatery ho manan-tsaina aho, hitanareo. Ankehitriny, raha nanan-tsaina aho, dia ho niezaka nanadino ny rehetra mikasika an'izany satria tsy mahafantatra anankiray izay mety ho manan-tsaina tahaka Azy aho. Ary noho izany izaho—izaho fotsiny . . . Na inona na inona ananako, dia manolotra ny tenako Aminy aho ary manao fotsiny an'izay Lazainy hatao. Izay ihany. Matetika ilay izy dia tena mifanohitra amin'ny fomba izay hiheverako azy. Saingy fantattro, raha Izy no mitarika an'izany, dia manan-tsaina Izy. Fantany izay Ataony, izaho tsy mahafantatra. Noho izany dia mamela Azy fotsiny hanao an'ilay izy aho, hitanareo, amin'izay fotoana izay ilay izy fotsiny dia . . . mety tsara ilay izy. Hitanareo? Noho izany dia mamela Azy fotsiny hanao an'ilay izy aho. Izay ilay izy, Rahalahy Neville. Eny, tompoko, mamela Azy fotsiny hanao an'ilay izy. Hitanareo? Izy no Anankiray izay mahafantatra ny Ataony, izaho tsy mahafantatra. Hitanareo? Noho izany dia tsy miezaka ny hanana voninkazo goavana be sy ny sisa fotsiny aho. Ary manetry ny tenako fotsiny, ka manao hoe, “Inty aho, Ray, amin'ny fotoana rehetra Ilànao ahy.” Noho izany dia manohy tahaka an'izany fotsiny ary mandeha tsara foana ilay izy.

<sup>54</sup> Noho izany, Jaona, isika tsy ho nanana ny—ny Bokin'ny Apokalypsy raha tsy nisy an'i Jaona, ary raha tsy nandeha tany amin'ilay nosy i Jaona. Izany no fomba nanomezan'Andriamanitra antsika ny Bokin'ny Apokalypsy.

Tany izy, heveriko, teo amin'ny telo taona teo, ary teo amin'ny Boky...nanoratra ny Bokin'ny Apokalypsy.

<sup>55</sup> Ankehitriny, noho izany rehefa navelantsika teo amin'ny faran'ilay fanasana izy, teo amin'ny andininy faha-22-n'ny toko faha-3 hoe, "Izay manan-tsotofina, aoka izy hihaino izay lazain'ny Fanahy amin'ireo fiangonana."

<sup>56</sup> Ankehitriny, manomboka ny andininy faha-4:

*Taorian'izany dia njery aho, ka, indro, nisy varavarana iray nivoha tany an-danitra: ary ilay feo voalohany izay reko dia tahaka ny...trompetra iray niresaka tamiko; izay nanao hoe, Miakara aty, dia hasehoko anao ireo zavatra izay tsy mantsy hisy rahatrizay.*

<sup>57</sup> Horaisintsika isan'andininny Izany. Ary manana Soratra betsaka aho voasoratra eto, boky iray amin'izy ireo, ka tsy fantatro hoe hatraiza no andehanantsika ao amin'Izany. Enga anie ny Tompo hitarika antsika. Ankehitriny, diniho, ny Teny dia hoe:

*Taorian'ireo zavatra ireo (taorian'ilay taom-Piangonana)...*

<sup>58</sup> Ary io rehetra io manomboka amin'ity fotoana ity, ankehitriny, dia hifanaraka, hiseo eto an-tany aorian'ny Fampakarana an'ilay Fiangonana. Hitanareo, aorian'ny Fampakarana. Ity dia fiverenana mba haka ny Isiraely ankehitriny. Aorian'ny taom-Piangonana, aorian'ireo taonan'ny Fiangonana, ary izy ireo... Tsy miseho intsony indray ny Fiangonana raha tsy ao amin'ny Apokalypy ny toko faha-19 rehefa miverina miaraka amin'ny Mpampakatra Azy Izy. Deraina Andriamanitra ny amin'ilay Fampakaram-bady!

<sup>59</sup> Ndao vakantsika fotsiny izany. Tianareo ve ny hamaky an'ireo Soratra ireo raha mandinika isika? Eny àry. Ndao isika hamadika ao amin'ny Apokalypy 19. Eny àry, tompoko, Apokalypy 19. Ndao isika hanomboka amin'ny andininy faha-7, Apokalypy 19. Ity dia rehefa miseho indray ny Fiangonana, tsy miseho intsony indray raha tsy ao amin'ny toko faha-19.

*Aoka isika hifaly sy hiravoravo, ka hanome voninahitra azy: fa tonga ny fampakaram-badin'ny Zanak'ondry, ary efa nanomana ny tenany ny vadiny.*

<sup>60</sup> Oh, izaho—afaka mitory eo amin'izany hatramin'ny misasak'alina aho ka tsy mahateny ny antsasasany. Jereo, "Efa nanomana ny Tenany ny Vadiny."

<sup>61</sup> Charlie, Nellie, ary ianareo rehetra, ilay noresahantsika mihitsy, tany, ary Rodney, indray andro. Hitanareo? Rehefa nanipy an'io fitafiana io teo amin'i Elia i Elisa... Na Elia no nametraka azy teo amin'i Elisa; nanatsotra tånama izy ka nesoriny indray izany, napetrany teo amin'ny tenany izany ary

nandeha niaraka tamin'izany teo aminy mandra-pitany an'i Jordana, ary nandeha nankeo an-tendrombohitra ka niakatra tao anatin'ilay kalesy, nalatsany indray izany.

<sup>62</sup> Rehefa voavonjy voalohany ny Kristiana iray, dia mitodika mankany amin'i Kristy ny tavany, avy eo dia manana zavatra hatao samirery izy. Izy dia tsy maintsy, ny zavatra manaraka, manamasina ny tenany hiala amin'ireo fahazarana maloto rehetra, "manaisotra ny mitambesatra rehetra, manao ny Tenany ho vonona. Efa nanao ny Tenany ho vonona ny Ampakarina!"

<sup>63</sup> Mampahatsiahy ahy tantara kely iray izany, tsy maintsy lazaiko fotsiny ilay izy alohan'ny anohizantsika. Teto tany Andrefana, indray andro lasa, taona maro, dia nisy an'ilay Armour and Swift Packing Company lehibe. Ahoana no ataon'izy ireo, tonga eo izy ireo ary mividy biby fiompy sy mividy toeram-piompiana. Ary mila vola betsaka izy ireo, ka mividy an'ireo toeram-piompiana kely rehetra, ary manana toeram-piompiana an-tapitrисаны ara tahaka an'izany, mametraka an'ireo biby fiompy goavana, Hereford tsara ao amin'ny fizazarana. Ireo azy manokana... Manana an'ireo lalambin'izy ireo manokana sy ny sisa izay mitondra an'ireo biby fiompy avy ao amin'ny kijana iray mankany amin'ny iray hafa.

<sup>64</sup> Ary nanana toeram-piompiana goavana iray ny Armour and Swift, ka indray andro dia nanana lehiben'ny mpiasa iray izy ireo tany, ilay mpanara-maso, izany ilay izy, an'ilay toeram-piompiana, nanana zanakavavy teo amin'ny efatra na dimy izy. Ary hitan'izy ireo fa ny iray tamin'ireo rahalahy an'ny Armour goavana dia...na, tsy rahalahy, fa zanakalahy, dia nandeha hitsidika an'ilay toeram-piompiana. Ary izy dia—dia lehilahy tanora, tokan-tena iray. Ary nahazo antoka ireto zazavavy rehetra ireto fa hanadala an'ity zazalahy ity izy ireo vantany vao—vao tonga izy. Ary noho izany dia nivonona izy rehetra ka nanao ny zavatra rehetra vonona ho tonga.

<sup>65</sup> Rehefa tonga teo izy, dia nandeha nitsena azy izy ireo ary nanao fitafiana tamin'ny andro fahiny, niaraka tamin'ireo akanjo keliny, niaraka tamin'ireo sisin-dambany teo amin'izany, ary teo amin'ny valahana an'ny .44, ary ireo satroka tao ambadikin'ny lohany, fantatrareo. Ary ho lasa tandrefana tsotra izy ireo, ka ny tsirairay avy tamin'ireo zazavavy dia hahazo... Tsy maintsy hahazo an'io zazalahy io ny iray amin'izy ireo.

<sup>66</sup> Ary izy ireo dia nanana ra—rahavavy kely iray tsy iray tam-po tany izay maty ny reniny ary maty ny rainy. Rahavavy iray tsy iray tam-po izy, ary saiky izy no andevo tamin'ny rehetra izay teo. Ary ireo asa maloto rehetra, izy no tsy maintsy nanao an'izany, manasa an'ireo vilia sy ny zavatra rehetra. Ary tsy nanana akanjo izy, tsy maintsy nitondra an'ireo tonta izy ary...

<sup>67</sup> Noho izany rehefa tonga ny fotoana izay tsy maintsy hahatongavan'ilay zazalahy, dia niditra tao amin'ny kalesiny

izy rehetra ary, lasa, nankany amin'ny fiantsonana izy ireo mba handray azy. Ary nanapoaka an'ireo basy izy ireo, ka nihiakiaka ireo soavaly, sy ny zavatra rehetra. Ary nitondra azy nankao amin'ilay toeram-piompiana izy ireo. Ary nanana korana goavana iray izy ireo tamin'io hariva io. Ary nandeha nankeo amin'ireo antontam-bilona sy ilay fefin'ny fitoerantsoavaly izy ireo, ka izy ireo—nihira sy nandihy izy ireo, ary nandritry ny alina manontolo. Tany izy nandritry ny roa na telo andro.

<sup>68</sup> Ity rahavavy kely tsy iray tam-po ity... Ankehitriny, hampitovy an'ity amin'ny zavatra anankiray aho ankehitriny. Ny rahavavintsika tsy iray tam-po izay tsara fitafy tanteraka, tendron-tilikambo goavana sy fiangonana tsara, ka toy ny hoe raha misy anarana maloto iray dia tokony homena an'ireo pentekotista izany, zavatra izay ratsy. Manao an'ilay zavatra ratsy ihany koa izy ireo, saingy tsy misy na inona na inona re mikasika an'izany, hitanareo. Karazana kilasika izy ireo, noho izany izy ireo... tsy mandre mikasika an'izany ianareo. Fa avelao ny mpitoriteny Pentekotista anankiray hanao fahadisoana iray indray mandeha, fa, rahalahy, hoteneniko aminareo, hanaparitaka azy manerana ny firenena ao anatin'ny gazety rehetra izy ireo. Eny, tompoko. Avelao ny rahalahy pentekotista anankiray hivavaka ho an'ny ankizy iray, ka maty izy, fa hanaparitaka an'izany ny gazety rehetra eto amin'ny firenena hoe, "Fanatisma Ny Fanasitranana Avy Amin'Andriamanitra."

<sup>69</sup> Eny, noho izany dia nahoana no tsy mametraka eo amin'ny gazety ny toe-javatra rehetra izay verin'ny dokotera? "Izay ampiharina amin'ilay anankiray, dia ampiharina amin'ilay iray hafa." Hitanareo? Noho izany, raha hanao an'izany izy ireo, dia tsy banana efitra ampy izy ireo ao amin'ny fizaram-pejy ao amin'ny gazety hanoratana ny maty rehetra. Raha handeha any amin'ny tokotanim-pasana eto aho ka hanao hoe, "Ny olona rehetra izay hany maty teo ambanin'ny fanasitranana avy amin'Andriamanitra mitsangàna," ary avy eo hanao hoe, "Ny olona rehetra izay hany maty teo ambanin'ny fitsaboana ara-pahasalamana mitsangàna," dia hohoatra iray tapitrisa amin'ilay anankiray izy ireo. Ary marina tokoa izany. Noho izany raha hitsikera an'ilay anankiray izy ireo, dia tsikerao ilay hafa. Koa marina izany. Fa mamono an-tapitrisany isan-taona izy ireo amin'ny fanafody sy ny fandidiana, nefá tsy mandre teny iray mikasika an'izany mihitsy ianareo. Hitanareo?

<sup>70</sup> Noho izany, ity zazavavy kely ity, nanana ny asa mafy rehetra hatao izy. Noho izany rehefa, tampoka teo, ilay zazalahy... indray hariva rehefa tapitra ny sakafy hariva ka nanana fandihizana izy ireo, ary ny tsirairay avy tamin'ireo zazavavy ireo dia nanao tsara tarehy tanteraka, fantatrareo. Fa ity zazavavy kely mahantre ity dia tsy maintsy nanao akanjo

kely, tranainy, rovidrovitra. Ary indray hariva dia nipetraka tao anatin'ilay efitra fisakafoana izy rehefa tapitra ny sakafotra hariva, ary nanasa an'ireo vilia izy ka nihazakazaka tao ambadiky ny tokotany mba hanipy an'ilay rano nanasam-bilia. Iz... rehefa nihodina teo amin'ilay fefin'ny fitoeran-tsoavalny izy, dia nitsangana teo izy, niankina tamin'ny fefin'ny fitoeran-tsoavalny. Hoy izy hoe, "Akory."

<sup>71</sup> Tena menatra izy, satria ilay zanakalahin'ny mpanaramaso io, ilay zanakalahin'ny tompon'ilay toeram-piompiana. Nampidininy ilay fitoeram-bilia, mba tsy hanamarihany azy tena rovidrovitra; nanomboka nihemotra, niaraka tamin'ny tongony tsy nikiraro, nitodika nankany aorianana, tahaka an'izao.

<sup>72</sup> Dia nanatona azy izy, nanao hoe, "Aza matahotra ahy." Hoy izy, "Te-hiteny zavatra aminao aho." Hoy izy hoe, "Tonga eto aho ho an'ny tanjona anankiray, tonga aho hitady vady iray." Ary hoy izy, "Efa nitady hatraiza hatraiza aho." Hoy izy, "Tsy te-hanambady ny iray amin'ireo zazavavy any amin'ny tanàna aho, te-hahazo an'izay noheveriko fa tena vady iray aho." Dia hoy izy, "Tamin'ny rehetra izay hitako, dia efa nanamarika anao aho teto. Ary hitako avy tamin'ny sasany amin'ireo mpiasa fa rahavavy iray tsy iray tam-po ianao."

Hoy izy, "Marina izany, tompoko."

<sup>73</sup> Hoy izy, "Te-hanontany zavatra aminao aho. Hanambady ahy ve ianao?" Nahoana, tsy fantany izay hatao. Tena sadaikatra izy, izy tsy—tsy fantany hoe ahoana no hamaliana an'ilay lehilahy.

<sup>74</sup> Oh, azoko eritreretina mihitsy hoe toy ny ahoana no tsapany. Ary ianareo? Fony aho, mpanota iray fahiny, tsy tsara ho an'ny inona na inona, zanaka mamolava iray, dia hoy Jesosy Kristy hoe, "Tiako ho Ahy ianao." Ahoana no Nahafahany mba hanatona olona iray tahaka ahy? Ahoana no mba Nahafahany nanao hoe, "Hanome anao trano iray Aho any An-danitra"? Ahoana no mba Nahafahany nanao hoe, "Hamonjy anao Aho"? Mahantra iray tahaka ahy, ahoana no mba hampety an'izany? Saingy Nataony izany!

<sup>75</sup> Hoy izy hoe, "Tompoko, izaho—izaho tsy—izaho—tsy mendrika aho. Tsy afaka ny ho lasa vady iray ho an'ny lehilahy tahaka anao aho," hoy izy, "satria ianao zatra zavatra malaza. Nefa aho tsy mahafantatra na inona na inona mikasika azy ireny, mahantra aho."

Hoy izy hoe, "Saingy ianao no safidiko."

<sup>76</sup> Ary tsy nahafinaritra ve rehefa niteny taminareo Jesosy fa...? Fantatrareo fa tsy mendrika ny ho Kristiana iray ianareo. Ianareo, tsy nisy na inona na inona azonareo natao, saingy Iz... Tsiontsinona izany... Iz... nifidy anareo fotsiny Iz. Hitanareo? Iz... Ny Fahatsaram-panahiny, ny Famindrampony

no Nifidianany anareo. Tsy ianareo no nifidy Azy, fantatrareo, Izy no nifidy anareo. Marina izany.

Hoy izy hoe, “Izaho—izaho tsy . . .” Hoy izy hoe . . .

<sup>77</sup> “Aza mijery ny akanjonao. Tsy mijery ny akanjonao aho, mijery an’izay maha-izy anao aho.” Hoy izy hoe, “Hanambady ahy ve ianao?” Ary farany dia vita ilay fifanarahana. Dia hoy izy hoe, “Amin’ny herintaona manomboka amin’ity andro ity, dia hiverina aho. Mivonòna ianao. Anaovy ilay akanjon’ny mpanambady, satria hiverina aho ka hanambady anao eto amin’ireto tany eto ireto mihitsy. Ary hitondra anao any Chicago aho, any Outer Drive, any amin’izay hanananao lapan’andriana iray hipetrahana. Ary hifarana ity fanasam-bilia, sy ny sisa ity, amin’izay fotoana izay.”

<sup>78</sup> Rehefa ireo rahavavy, na ireo rahavavy tsy iray tampo, no nandre mikasika an’izany, dia hoy izy ireo hoe, “Ianao mahatran, kely, adaladala tsy mahay! Nahoana, fantatrao fa tsy izany no tian’ilay lehilahy nolazaina!”

<sup>79</sup> Ary tsy izany marina tokoa ve no lazain’izy ireo amin’izao andro izao? “Ahoana no ahafahan’ny andiana holy-rollers iray, andian’olona izay zara raha afaka manoratra ny anarany manokana, ahoana no mba haha-ilay Fiagonana azy ireo? Ahoana no mba haha-izany ny vondrona iray tahaka an’io?” Fa mety tsara mihitsy izany. Rehefa voafofo isika ka nahatsapa an’io oroky ny fifamofoana an’i Jesosy Kristy io tao am-pontsika mba hanaisotra ny fahotantsika, dia misy Zavatra miteny amintsika fa hiverina indray Izzy, azo antoka mihitsy tahaka an’izao tontolo izao. Hiverina indray Izzy indray andro any.

<sup>80</sup> Niasa izy nandrity ny taona rehetra, nanompo, nitahiry an’ireo dimy amby fitopolo cents kely teo, izay—izay nomen’izy ireo azy ho karamany isan’andro teo. Ary nitahiry ny volany mba hividianana ny akanjo mariaziny mirebareba izy, mba hanao ny zavatra rehetra ho vonona. Oh, izay ihany no tao an-tsainy, nanao ho vonona. (Ary izy dia . . . “Efa nanao ny Tenany ho vonona Izzy.”) Naka ny akanjony izy, ny akanjo mariaziny, raha nihomehy azy ireo rahavaviny tsy iray tam-po ka naneso azy.

<sup>81</sup> Farany dia tonga ilay . . . farany ilay andro. Nampiakanjo ny tenany tamin’ny akanjo mariaziny izy (Oh!), vonona tanteraka ary nadio. Dia tonga ireo rahavavy keliny tsy iray tam-po ka niondrika teo akaikiny ary nanao hoe, “Eny, ianao zavatra kely adala. Nahoana, fantatrao fa tsy izany no tiany nolazaina. Izzy tsy hiresaka amin’ny . . . hanambady zazavavy iray tahaka anao.” Saingy, nanao ny tenany ho vonona izy, na ahoana na ahoana.

<sup>82</sup> Noho izany dia efa tara ny hariva, ary nanomboka nanaraby sy naneso azy izy ireo. Nitsangana tsara teo am-baravarana izy, niandry, na ahoana na ahoana. Ary noho izany izy . . . hoy izy hoe, “Amin’ny firy no nolazainy hahatongavany eto?”

<sup>83</sup> Hoy izy, “Tsy nilaza izy.” Saingy hoy izy, “Izy no niteny . . . niteny tamiko izy tamin’ilay hariva izay nanambadiany . . . na nanomezany ahy ny peratra fifamofoana. Nilaza izy, niteny tamiko izy hoe, ‘Saiky ho herintaona manomboka izao izany.’ Noho izany dia manana adiny iray aho tavela.” Amena, manohy miandry fotsiny. “Manana adiny iray aho tavela, telopolo minitra tavela, folo minitra tavela.” Dia nihomehy sy naneso azy izy ireo, ka niantso azy tamin’ny zavatra rehetra.

<sup>84</sup> Fa, farany, tao amin’ilay ora sarotra mihitsy, dia nandre ny fasika nihodina teo ambanin’ireo kodiarana izy ireo, tonga ireo soavaly. Zavatra iray toy ny inona ny nahita an’io ampakarina kely izay nanao ny tenany ho vonona io, nitsambikina niala teo amin’ny varavarana, ary nandalo an’ireo lavarangana voarakotra raozy teo, mba hiantsampy teny amin’ny sandrin’ilay lehilahy izay tiany, sy ho vadiny, mampakatra azy hiditra tahaka an’izany, ary nivady ka lasa nandeha.

<sup>85</sup> Indray andro any, rahalahy, ireo izay maneso ka manao hoe “holy-roller,” sy—sy “pentekotista,” ary ny sisa tahaka an’izany . . . Miandry isika, mbola manana fotoana kely isika. Hoy izy ireo hoe, “Ah, tsy misy fahasamihafana amin’izay efa nisy hatramin’izay.” Aza manahy, manana fotoana kely tavela isika. Ary amin’io fotoana izay Nampanantenainy io, dia ho eto Izy. Ary indray andro any dia haka fanidinana iray isika ka handeha. Mivonona fotsiny! Manohiza manao an’ilay Akanjo Mariazy! Esory miala ao amin’ny fonareo ny lozabe rehetra. Ny zavatra rehetra izay . . .

<sup>86</sup> Henoy hoe toy ny ahoana no vakin’ity Soratra eto ity:

*Aoka isika hifaly sy hiravoravo, ka hanome voninahitra azy: fa tonga ny fampakaram-badin’ny Zanak’ondry, ka efa nanomana ny tenany ny vadiny.* (Azonareo ve ilay izy?)

*Ary nasaina nitafy rongony madinika izy, madio sy fotsy: satria ny rongony madinika dia ny fahamarinan’ny olo-masina.* (Ho an’Andriamanitra ny dera!)

*Ary hoy izy tamiko, Soraty, Sambatra ireo izay nantsoina ho amin’ny sakafy harivan’ny mpanambadin’ny Zanak’ondry. Ary hoy izy tamiko, Ireo dia teny marin’Andriamanitra.*

<sup>87</sup> Noho izany dia hisy fihaonana iray eny amin’ny habakabaka indray andro any, ao amin’ilay mamy, mamy rahatrizay. Ah-hah. Mijanona ho vonona fotsiny! Tehirizo ho vonona ny tenanareo! Diovy ny fonareo hialan’ny fisainan-dratsy rehetra. Manana finoana an’Andriamanitra, tsy mampaninona na toa maizina toy ny ahoana aza ilay izy ary na firy no nihomehy sy maneso ka manao hoe, “Nanao fahadisoana iray ianao.” Manohiza miaina

masina sy miaina ho an'Andriamanitra hatrany. Manohiza mandeha fotsiny, ho tonga ilay ora!

<sup>88</sup> Noho izany, hitanareo, miseho indray Izy ankehitriny ao amin'ny Apokalypsy 19:

*Taorian'ireo zavatra ireo... (Taorian'ny nahitany an'ilay taom-Piangonana.)*

*Taorian'ireo zavatra ireo dia njery aho, ka, indro, varavarana iray...*

<sup>89</sup> Ankehitriny, tsarovy, mbola ao Patmo foana i Jaona. Ary taorian'ny nahitany an'ireo taom-piangonana rehetra nifarana:

*...Njery aho, ka, indro, nisy varavarana iray nivoaha tany an-danitra:...*

<sup>90</sup> “Varavarana iray.” Inona ilay Varavarana? Apokalypsy 3:8. Ao amin’ny Apokalypsy, ny toko faha-3 ary ny andininy faha-8, “Fantatro ireo asanao. Indro, efa nametraka Varavarana mivoha eo anatrehanao Aho izay tsy misy olona afaka manidy azy, afaka manidy ary tsy misy olona afaka mamoha.” Izy no ilay Varavarana! Ilay Varavarana! Kristy no ilay Varavarana. Hoy Izy, ao amin’ny Masindahy Jaona 10 hoe, “Izaho no Varavarana’ny valan’ondry.”

<sup>91</sup> Ary tany amin’ny firenena trainainy, dia hitanareo fa ny mpiandry ondry iray dia mampiditra ny ondriny. Rehefa avy manisa azy ireo izy ka mahita fa ao izy rehetra, amin’izay fotoana izay dia mandry eo amin’ny varavarana mihitsy izy. Tsy afaka miditra ao ny amboadia raha tsy mamoha azy, na tsy afaka mivoaka ny ondriny raha tsy mandalo eo amboniny. Oh, mahatsapa ho voaaro toy ny ahoana ilay ondry satria mandry eo am-baravarana ilay mpiandry ondry.

<sup>92</sup> Noa, ao amin’ny Testamenta Taloha, dia nitsangana teo am-baravarana’ny sambofiara. Oh, henoy; hilaza zavatra iray aho! Nitsangana teo am-baravarana izy ary nitory ny fibebahana sy ny fahamarinana tamin’ny olona izay naneso azy. Ary teo amin’ilay varavarana iray ihany izay nitsanganany, dia tsy nisy olona afaka niditra tao amin’ny sambofiara raha tsy tamin’ny alàlan’io varavarana anankiray io. Tsy nisy afa-tsy varavarana anankiray tao amin’ny sambofiara.

<sup>93</sup> Ary Lèlana anankiray ihany no misy! Eny àry, Rahalahy . . . ? . . . Lèlana anankiray ihany no misy izay mitondra mankao amin’ny Vatan’i Kristy. Varavarana anankiray ihany no misy mankao amin’ilay Fianganan’Andriamanitra velona, ary Jesosy izany Varavarana izany! “Izaho no Varavarana! Izaho no Lèlana, ny lèlana izay mitarika mankeo amin’ilay Varavarana. Izaho no Varavarana’ny valan’ondry.”

<sup>94</sup> Nilaza tamin’ity taom-piangonana ity Izy hoe, “Efa nametraka Varavarana mivoha teo anatrehanao Aho.” Nilaza an’izany tamin’ny taom-piangonana Metodista Izy, fa nihodina

niala tamin'Izany izy ireo, niditra nankao amin'ny rafipandaminana. "Fa efa nametraka Varavarana mivoha teo anatrehanao Aho." Ankehitriny, rehefa avy nandray ny fanamasinana izy ireo, dia hoy Izy hoe, "Hametraka an'ilay Varavarana mivoha Aho," dia ny Fanahy Masina. "Tamin'ny Fanahy iray isika rehetra no" (ahoana?) "natao batisa tao amin'ny Vatana iray dia Kristy." Napetrany teo anatrehan'ny fiangonana Metodista io hafatra io fa nihodina niala tamin'Izany izy ireo. Tonga hatreo amin'ny fanamasinana izy ireo nefà nandà ny Fanahy Masina. Tsaroanareo ve izany? Io "Varavarana mivoha" io.

<sup>95</sup> Ahoana no idiranareo ao amin'i Kristy? Amin'ny Fanahy iray, Fanahy Masina, dia ny Fanahin'i Kristy. Niditra isika, tsy tamin'ny alàlan'ny fandraisan-tànana, tsy tamin'ny alàlan'ny famafazana, fa tamin'ny batisan'ny Fanahy Masina anankiray no nanaovana batisa antsika rehetra tao amin'ny Vatana iray ka lasa mpandray anjara amin'io Vatana io. Batisan'ny Fanahy Masina anankiray mankao amin'io Varavarana io.

<sup>96</sup> Nipetraka tany An-danitra ity Varavarana ity, io Varavarana io, rehefa niandranda izy dia nahita ny Tompo Jesosy. Diniho fotsiny ilay ampahtany manaraka an'izany. Io Varavarana io, ny Tompo Jesosy.

... *Nijery aho, ka, indro, nisy varavarana iray nivoha tany an-danitra: ary ilay feo voalohany...izay efa reko dia...ny feon'ny trompetra iray...*

<sup>97</sup> Ankehitriny dia miova ilay sehatra. Nandinika an'i Patmo i Jaona, ary ankehitriny dia miandranda izy. Nahoana? Mahita zavatra iray izay niseho teto an-tany teto izy (ireto taom-piangonana ireto), nandritr'ireo Taom-Piangonana Fito rehetra, ary avy eo rehefa avy nahavita nijery an'ireo taom-piangonana izy, taorian'izany, taorian'ny nitsaharan'ireo taom-piangonana, dia nandre Feo iray izy. Dia niandranda nankany An-danitra izy ka nahita Varavarana iray mivoha, ary ilay Feo voalohany dia naneno tahaka ny trompetra iray. Eny àry, niova avy tao Patmo nankany An-danitra ny sehatra.

<sup>98</sup> Ilay Feo dia ilay Feo iray ihany izay nandeha tao anatin'ireo fanaovan-jiro volamena fito; Feo iray ihany, tsy niova ilay Feo. Fa, ilay Feo, taiza Izany rehefa nandre Azy izy tamin'ny voalohany? Firy no mahatsiaro, tao amin'ny taom-piangonana voalohany? Taoriany. "Tao amin'ny Fanahy tamin'ny andron'ny Tompo aho," Apokalypsy 1—1:10. Noho izany izy... "Tao amin'ny Fanahy." Raha tianareo ny handray naoty an'izany ao amin'ny Apokalypsy 1:10 sy 13, "Tao amin'ny Fanahy tamin'ny andron'ny Tompo aho, ka nandre taoriako toy ny Feon'ny trompetra iray ary naneno tahaka ny rano maro. Ary rehefa nitodika aho mba hijery, dia nahita Anankiray aho nitsangana teo afovoan'ireo fanaovan-jiro volamena fito."

<sup>99</sup> Ankehitriny, taorian'ny Nanehoany taminy an'io zavamafina rehetra an'ireo fanaovan-jiro volamena fito io (mihazona an'ireo kintana fito, ary manao solovolo fotsy, sy ny sisa, ary ny tongotra tahaka ny varahina, ary ireo maso tahaka ny afo, ireo mari-pamantarana), tamin'izay fotoana izay dia nandre an'ilay Feo iray ihany izy (Diniho.) niteny avy tany An-danitra. Dia niandranda izy ka nahita Varavarana iray mivoha. Oh! Varavarana iray mivoha tany An-danitra! Ahoana no idiranareo? Amin'ny alàlan'i Kristy Jesosy, io Varavarana tokana io, Làlana tokana, tsy misy làlana hafa.

<sup>100</sup> “Ny olona rehetra izay mihanika amin’ny fomba hafa, dia sady mpangalatra no mpandroba.” Ary ao amin’ny fanoharana mikasika an'ilay anankiray izay nihanika ka tao amin'ilay Sakafo harivan’ny Mpanambady tsy nanao akanjo, dia hita ho meloka, kanofatorana sy natsipy tao anatin’ny aizina tany ivelany. Làlana tokana ihany, mankao amin’ny Sakafo harivan’ny Mpanambady. Mino aho fa efa nitory teo amin’izany aho teto vao tsy ela akory izay. Na oviana na oviana ilay mpampakatra... Rehefa ny lehilahy iray no... manambady any amin'ireo firenena fahiny, dia tsy maintsy izy tenany no manolotra an'ireo fanasana, izy tenany no tsy maintsy manome an'ireo akanjo. Noho izany rehefa nihaona tamin'ity lehilahy teto ity izy, izy nippetraka teo amin'ilay latabatry ny sakafo hariva... Firy no mahatsiaro an'ilay fanoharana? Azo antoka, ianareo izay mamaky ny Baiboly. Ary nahita lehilahy iray teo amin’ny latabatry ny sakafo hariva izy tsy nanao akanjo mariazy.

<sup>101</sup> Inona izany? Mitsangana eo am-baravarana ny Mpampakatra ary ny rehetra tonga miaraka amin’ny fanasana iray. “Tsy misy olona afaka manatona ny Ray raha tsy amin’ny Alàlako. Izay rehetra nomen’ny Ray Ahy, na nasaina, no hanatona Ahy.” Indro tonga izy ireo, manolotra ny fanasany, ilay mpampakatra, mba hitovian’ny olona rehetra. Izany no zavatra anankiray mikasika ny fivavahana tsara, an’ny andro fahiny, an’ny Fanahy Masina, izany no manao azy rehetra hitovy. Na manan-karena izy ireo na mahanttra, andevo na afaka, mainty na fotsy, lahy na vavy, dia iray izy rehetra ao amin’i Kristy Jesosy. Ary nitsangana teo am-baravarana ilay mpampakatra ka nandray ny fanasana, nametraka an'ilay akanjo manodidina an'io olona io, mba hitovian’ny manan-karena sy ny mahanttra rehetra. Tahaka an'izany ao amin’ny Fanjakan’Andriamanitra, tsy misy zalahy goavana sy zalahy kely; zalahy iray izy rehetra, ny rehetra iray ao amin’i Kristy.

<sup>102</sup> Ankehitriny, inona no heverinareo rehefa miverina ny Mpampakatra ka mahita olona iray nippetraka any tsy manao Akanjo Mariazy? Hoy Izy, “Ry sakaiza, ahoana no nidiranao teto?” Ary nitsangana tsy nahateny izy, izany no naneho fa tonga tamin’ny làlana hafa iray izy ankoatr'ilay Varavarana. Niditra teo amin’ny varavarankely iray izy, niditra teo amin’ny

varavarana aoriana iray izy. Ary Izy niantso azy hoe sakaiza, naneho fa mambram-piangonana iray izy, "Ry sakaiza, ahoana no nidiranao teto tsy nanao akanjo?" Ankehitriny, Jesosy no niteny an'io, Izy tenany. Ary niantso an'ilay mpiandry varavarana Izy, hoy Izy hoe, "Afatory izy, ny tongony sy ny tànany." Dia natsipy tany amin'ny aizina tany ivelany izy izay hisy fitomaniana, fidradradradrana, ary fikitroha-nify. Izany no Tenin'i Kristy Manokana, (Marina.) "Natsipy tany ivelany izy." Satria, izany no nanaporofo, tsy nanana Akanjo Mariazy, tonga tamin'ny lâlana hafa ankoatr'ilay Varavarana izy. Raha tonga tamin'ny alàlan'ilay Varavarana izy, dia ho nandray Akanjo Mariazy iray.

<sup>103</sup> Oh, henoy ity! Noho izany raha ny batisan'ny Fanahy Masina no Akanjo Mariazy, dia ahoana no hanehoana antsika amin'ny fomba hafa iray? Raha tsy maintsy tonga tamin'ny alàlan'ilay Varavarana ilay taom-piangonana voalohany, Kristy Jesosy, natao batisa tamin'ny Anaran'i Jesosy Kristy, nandray ny batisan'ny Fanahy Masina, nanao an'ilay Akanjo Mariazy, dia ahoana no ahatongavantsika amin'ny fomba hafa iray? Raha tonga amin'ny alàlan'ny Metodista ianareo, amin'ny alàlan'ny Batista, na amin'ny alàlan'ny Pentekotista, na anaram-piangonana iray hafa, dia hofatorana ianareo ka hatsipy ao amin'ny aizina any ivelany. Tsy maintsy tonga amin'ny alàlan'i Kristy Jesosy ianareo, ilay Lâlana, ilay Varavarana, ilay Fahamarinana, ilay Fiainana. Amena!

<sup>104</sup> Eny àry, Feo iray ihany, Apokalypsy 21, na, Apokalypsy 1:10 sy 13. Ary tiako ianareo hanamarika, ilay Feo izay reny niresaka taminy dia nanana fahazavan'ny trompetra iray. Fantatrareo hoe toy ny ahoana no fanenon'ny trompetra iray, manome feo iray mikarantsana izy. Inona no dikan'ny trompetra ao amin'ny Baiboly? Ady. Isaky ny mahita trompetra iray mitsoka ianareo, ao amin'ny ady iray... ao amin'ny andron'ny Baiboly, dia midika ady iray ny fanenony, na fanambarana iray na zavatra iray hiseho.

<sup>105</sup> Ankehitriny, izy... Rehefa tapitra ireo taom-piangonana, ka tonga vonona ny zavatra rehetra, dia manao ny fametrahana ny toko faha-4 ho vonona, vita ireo taom-piangonana. Niala tamin'ny tany izy, hitanareo. Tsarovy, ilay Feo izay niresaka taminy, taoriany, tao anatin'ireo fanaovan-jiro volamena fito, tapitra ilay asa. Ary ankehitriny io Feo iray io ihany no niteny tany An-danitra. Inona izany? Efa nanavotra ny Olony Izy. Vita ny Asany teto an-tany, ary tany amin'ny Voninahitra Izy, miantso an'i Jaona hoe, "Miakara aty!" Ah-ham. Amena! Manao ahy hahatsapa hikiakiaka izany eo amin'ny ankafoky ny Taona Vaovao. Oh, oadray! Eo ianareo izao. Hitanareo, vonona, "Miakara eto!"

<sup>106</sup> Ady! Ity no fametrahana an'ilay ady lehibe; ireo olona izay nandà ny Hafatr'Andriamanitra, nandà ny Fanahy Masina,

ny Irak'ireo fiangonana fito. Ilay anankiray izay nandà an'ity Hafatry ny Fahasoavany ity dia tsy manana na inona na inona tavela, afa-tsy ny hoe vonona ny fitsarana; oh, raha mbola nivonona handraraka an'ireo loza eto ambonin'ny tany Izy ankehitriny. "Miakara aty dia Hasehoko anao izay vonona hiseho. Fandàvana an'i Kristy, mpanota tsy manana an'Andriamanitra, handraraka ny Fahatezerako eo amin'izy ireo Aho."

<sup>107</sup> Diniho ilay fametrahana. Oh, arakaraky ny androsoantsika mandritr'ireo alina no hahazoanareo betsaka amin'izany sy betsaka amin'izany foana. Tsy afaka mahazo ny zavatra rehetra isika eto, tsy maintsy manohy manondro mitety toerana isika. Ahoana fa ho zavatra mampahatahotra iray ho azy ireo izany rehefa maneno ilay trompetra farany, sy rehefa iadiana ilay ady farany, rehefa voatory ilay toriteny farany, rehefa hiraina ilay hira farany, ka mitsangana eo amin'ny Seza Fitsaran'i Kristy isika. Hanontaniana ianareo hoe, "Nahoana ianao no tsy nandray an'Izany? Inona no nataonao tamin'ilay Fiainana izay Nomeko anao?" Hangatahana hanome antony iray ianareo. Ho inona amin'izany?

<sup>108</sup> Efa nandre ahy nihira an'izany hira izany ianareo, na nanandrana an'izany:

Ho inona amin'izany? Ho inona amin'izany?  
 Rehefa sokafana ilay Boky lehibe, dia ho inona amin'izany?  
 Rehefa ireo izay nandà ny Hafatra  
 No hangatahana hanome antony iray, dia ho inona amin'izany?

<sup>109</sup> Hitsangana any, azo antoka tahaka ny nanoratana an'ity Boky ity mihtisy. Ianareo dia ho...hitsangana any ianareo ka hangatahana antony iray. Oh, tombony ho antsika, ry rahalahiko, anabaviko, mety amintsika, amin'ny mahazanakalahy sy zanakavavin'Andriamanitra, ny mandinika ny tenantsika isaky ny ora amin'ny andro. Hoy i Paoly hoe, "Maty isan'andro aho. Kanefa velona aho, tsy izaho, fa Kristy no velona ato anatiko." Hitانareo? Aoka handini-tena, satria tsy fantatrareo ny ora izay hiantsoana anareo hamaly any Ambony.

<sup>110</sup> Ankehitriny, "Nandre ny Feon'ny trompetra." Eny àry. Naotio, naotio izay nolazain'i Jaona, nolazainy eto, ao amin'ilay ampahany farany an'ity toko faha-1 ity:

...feo voalohany...dia...tahaka ny trompetra iray  
 izay niresaka tamiko; ka nanao hoe, Miakara aty,...

Miakara eto! Nasehoko anao ireo taom-piangonana teny ambonin'ny tany; ankehitriny dia miakara eto, haneho aminao zavatra iray izay hiseho eto Aho.

<sup>111</sup> Hitانareo, niala tamin'ny tany Kristy tamin'io fotoana io, lasa niakatra nankany amin'ny Voninahitra Izy, tapitra Ny

taom-Piangonana, naneho fa nifarana Ny Fanahiny teto. Ary lasa nankany amin'ny Vominahitra Izy ka niantso an'i Jaona mba hiakatra, ary Nasehony taminy hoe inona koa no mbola hiseho. "Miakara aty."

<sup>112</sup> Ankehitriny, mahamarika an'i Jaona isika, ny toko faha-2 . . . ny andininy faha-2. Mariho, haingana, nanampy an'ity i Jaona:

*Ary niaraka tamin'izay . . . (Amena!)*

<sup>113</sup> Oh, raha mihetsika hafahafa aho, dia mahatsapa ho tsara fotsiny aho. Nanampy i Jaona hoe:

*. . . niaraka tamin'izay dia tao amin'ny fanahy aho: . . .*

<sup>114</sup> Rehefa mandre ny Feon'Andriamanitra miresaka aminareo ianareo, dia misy zavatra mitranga. Amen! Oh, tsy tahaka an'izany ve no nitrangany taminareo? Nitrange tamiko izany, iraika amby telopolo taona lasa izay, ary tsy nitovy tamin'ny taloha intsony aho nanomboka teo. Oh, rehefa hoy Izy hoe, "Mankanesa aty Amiko, ianareo rehetra izay miasa fatratra sy mavesatra entana, Izaho hanome anareo fitsaharana." Nanova ahy izany.

<sup>115</sup> Hoy i Jaona hoe:

*. . . niaraka tamin'izay dia tao amin'ny fanahy aho: . . .  
(Fanahy inona? Ny Fanahy Masina. Oh!) . . . Tao amin'ny  
fanahy aho: ary, indro, seza fiandrianana iray nipetraka  
tany an-danitra, ary nisy anankiray nipetraka teo  
ambonin'io seza fiandrianana io.*

<sup>116</sup> Hitanareo, niala tamin'ny tany i Jaona ankehitriny. Niala tamin'ny tany i Kristy (tamin'ny endrika Fanahy Masina) ary niverina nankao amin'ilay Vatana indray. Androany ilay Vatana dia mipetraka any ho fahatsiarovana iray, ho fanatitra iray. Ho tonga eo amin'izany avy hatrany isika ao amin'ilay toko eto. Fa ilay Fanahin'i Kristy dia miverina mba hipetraka ao amin'ilay Fiagonana, hipetraka ao anatintsika.

<sup>117</sup> Ankehitriny, taorian'ny Nanehoany avy hatrany ny fiafarany'ny taonan'ny Asany eto, dia lasa niakatra any Andanitra Izy, hoy Izy hoe, "Hasehoko anao izay hisy aorian'ity, aorian'ireo taom-piangonana." Hoy Izy hoe, "Jaona, tsy afaka miresaka aminao eo ambany eo intsony Aho, satria efa niala teo ambany teo Aho, niakatra ambony kokoa Aho. Miakara eto miaraka Amiko!" Amen! "Dia Hasehoko anao izay hiseho rahatrizay." Oh, oadray! Hmm! Oh! Nakarina tao amin'ny fahitana, nakarina tao amin'ny Vominahitra.

<sup>118</sup> Tsy maintsy ho zavatra iray tahaka ny an'i Paoly ny fahatsapany. Korintiana Faharoa 12:2 sy 4, raha mandray naoty an'izany ianareo. Korintiana Faharoa . . . 2 hatramin'ny 4. Nakarina i Paoly indray andro, tao amin'ny . . . tao amin'ny fahitana iray, ihany koa. Efa fantatrareo ve izany? Ary nahita an'ireo zavatra izay tsy nahaso azy na dia ny hiresaka mikasika

an'izany aza izy; efatra ambin'ny folo taona, tsy nilaza an'izany mihitsy akory aza. Hitanareo? Fa henoy ilay fahasamihafana teo amin'izy ireo.

<sup>119</sup> Izay hitan'i Paoly, dia noraràna izy hiresaka ny amin'izany na hamoaka an'izany amin'ny daholobe. Oh, oadray! Tsy mino aho fa afaka nanao an'izany izy. (Satria, ilay dia kely izay nataoko indray andro, tsy niverina tamin'izany mihitsy aho ary tsy hiverina mihitsy.) Hitanareo, izy—nahita an'ireo zavatra izay tsy azony noresahana izy. Ataoko fa tsy nanana an'ireo teny izy izay...nakarina hatrany amin'ny lanitra fahatelo izy, na izany aza. Hitanareo, hatrany amin'ny Lanitra fahatelo.

<sup>120</sup> Samihafa toy ny ahoana rehefa nakarina i Jaona ka nahita an'i Jesosy, izy dia...Hoy Izy, "Soraty ao amin'ny boky iray izay efa hitanao ka atolory indray izany, alefaso any amin'ireo fiangonana indray izany." Noraràna tsy hiresaka i Paoly, fa nangatahana mba hametraka an'izany ao anatin'ny boky iray mihitsy aza i Jaona mba handehanan'izany manerana an'ireo taona rehetra. Oh, oadray! Voambara izany ankehitriny, ho voambara amin'ity andro farany ity. Tsy voambara izany tamin'ny androny, fa voambara izany ankehitriny arakaraky ny androsoantsika.

<sup>121</sup> Oh, ary mariho, Jaona, nentina niakatra avy hatrany taorian'ny taom-piagonana, dia tandindon'ilay Fiagonana nakarina. Taorian'ny nifaranan'ny taom-piagonana avy hatrany, ity Taom-Piagonana Laodikia ity, amin'izay fotoana izay dia tonga ny Fampakarana. Miakatra tahaka ny niakaran'i Jaona ilay Fiagonana, mankao amin'ny Fanatrehan'Andriamanitra. Oh, oadray! Fioo! Manodina ny fanahiko fotsiny izany. Nakarina, amin'ny Fampakarana an'ilay Fiagonana! Ary Izao no voalaza...Ity toerana ity, ny Bokin'ny Apokalypsy, dia nosoratana, hitanareo, tamin'ny fiafarana'ny taom-piagonana.

<sup>122</sup> Ankehitriny, manana zavatra kely iray aho eto izay tiako hazavaina satria zavatra iray izay efa zava-mihantona tranainy iray nandritry ny ela be teo anivon'ireo Kristiana maro. Ary nieritreritra aho androany, rehefa nianatra aho, nanoratra an'ireo Soratra, dia nahita an'ireo anarana sy loko samihafa sy ny sisa. Hiditra ao amin'izy ireo isika afaka kelikely, ireo avana sy ireo mari-pamantarana, sy ny sisa. Nanoratra an'ireto Soratra eto ireto aho mba ahafahako mitodika amin'izy ireo sy hanondro eo amin'izy ireo, raha izaho...manohy. Satria, mazàna, raha saika hiresaka eo amin'ny zavatra anankiray tahaka an'ity aho, izaho dia...hafa ilay izy, niezaka aho ny hahay tsianjery azy. Fa tahaka an'ity, rehefa manana fotoana kely fotsiny ianareo, dia tiako ny hanondro eo amin'izany satria mifanaraka tanteraka amin'ny Soratra izany, aoriana sy aloha.

<sup>123</sup> Ankehitriny, ao amin'ny Matio 16:13, dia mahita an'izao isika, raha ianareo izay mandray naoty an'ireo Soratra. Matio... Raha tianareo ny hiverina... raha tianareo ny hamadika eo amin'izany, eny àry, Matio 16:13. Izany dia... Oh, hamadika fotsiny isika ka hamaky an'izany, ary amin'izay fotoana izay dia azo antoka fa hahazo azy isika. Matio ny toko faha-16, ary ny andininy faha-13. Henoy tsara ankehitriny raha mamaky ny 16:13 isika, “Rehefa tonga i Petera...” Na:

*Rehefa tonga tany amin'ny morontsirak'i Kaisaria Filipo Jesosy, dia nanontany ny mpianany izy, nanao hoe, Iza no ilazan'ny olona... Ahy ilay Zanak'olona?*

*Dia hoy izy ireo hoe, Ny sasany milaza... ianao no Jaona Mpao-batisa: ny sasany, Elias; ary ireo hafa, Jeremia, ary, na iray amin'ireo mpaminany.*

*Izy nanao tamin'izy ireo hoe, Fa ataoareo ho iza Aho?*

*Ary namaly i Simona Petera ka nanao hoe, Ianao no Kristy, ilay Zanak'Andriamanitra velona.*

*Dia namaly Jesosy ka nanao taminy hoe, Sambatra ianao, ry Simona Bar-jona: ... tsy ny nofo aman-drà no nanambara an'izany taminao, fa ny Raiko izay any andanitra.*

*Ary lazaiko... aminao, Fa ianao no Petera, ary eo ambonin'ity vatolampy ity no hanorenako ny fiangonako; ary ny vavahadin'ny helo tsy haharesy azy.*

*Ary ankehitriny... Ary homeko anao ireo fanalahidin'ny fanjakan'ny lanitra: ka na inona na inona ho fehezinao ety ambonin'ny tany dia hofehezina any an-danitra:... na inona na inona ho vahanao ety an-tany dia ho vahana any an-danitra.*

*Tamin'izay fotoana izay dia nandrara an'ireo mpianany izy mba tsy hiteny amin'ny olona fa izy no Jesosy ilay Kristy.*

<sup>124</sup> Henoy tsara ankehitriny. Eny àry. “Satria nanomboka ny fotoana... Hatramin'io fotoana io Izy dia nanomboka...” Tehaka iray hafa aho, afaka manohy mamaky ianareo, tonga eto amin'ny andininy faha-28 eto, satria afaka mamaky ny sisa amin'izany ianareo rehefa tonga any an-trano.

*Marina tokoa—Marina tokoa lazaiko aminareo, Misy ny sasany mitsangana eto, izay tsy hanandrana fahafatesana, mandra-pahitan'izy ireo ny Zanak'olona avy amin'ny fanjakany.*

<sup>125</sup> Oh, eritrereto izany! “Ny sasany mitsangana eto, ny sasany mitsangana eto, dia tsy hanandrana fahafatesana mandrapahitan'izy ireo ny Zanak'olona avy amin'ny Fanjakany.” Filazana iray toy ny inona! Toy ny ahoana no itiavan’ny

mpitsikera haka an'io ka haneho fotsiny hoe moana toy ny ahoana izy, hitanareo. Toy ny ahoana no itiavany hihazona an'izany, fa niseho izany nefá tsy nahafantatra na inona na inona nikasika an'izany izy ireo. Hitanareo? Eny àry.

<sup>126</sup> Taorian'ny fiaikena vatolampin'i Petera, satria fantatsika fa ny fiaikeny dia... Hanorina Ny Fiagonany eo amin'io vatolampy iray ihany io Izzy. Tsy i Petera, amin'ny maha-vato kely iray, araka ny iezahan'ny Katolika Romana ilazana azy. Fa ny fiaikeny Fanambaran'i Petera, izany ilay Fiagonana. Andriamanitra no hanambara an'Izany; tsy ny fiaikeny io lehilahy io, satria taty aoriania dia niverin-dàlana izy. Tsy ny fiaikena ny Aminy amin'ny maha-Zanak'Andriamanitra; satria efa fantatr'izy ireo fa Izzy no Zanak'Andriamanitra, nilaza an'ilay izy fotsiny i Petera. Fa ilay izy dia, dia, ny Fanambarana izay efa voambara avy tany An-danitra hoe Izzy no Zanak'Andriamanitra. Hoy Izzy, "Tsy ny nofo aman-drà mihitsy no nampianatra anao an'izany, fa Ny Raiko izay any An-danitra no nanambara an'izany taminao. Ary eo ambonin'ity vatolampy ity, izany fiaikena vatolampy izany, no Hanorenako Ny Fiagonako, ary ny vavahadin'ny helo tsy hiantraika... tsy haharesy Azy."

<sup>127</sup> Manantena aho fa tsy mampandeha haingana loatra ny fotoana isika eto ankehitriny, mba ahafahantsika miditra eo amin'io avy hatrany. Ary tiantsika ny hahita hoe toy ny ahoana no ikorian'izany ao anatin'ny olombelona. Tantara iray mahafinaritra mihitsy izany eto raha afaka ho tonga eo amin'izany fotsiny isika. Eny àry. Eny, ilay fiaikena vatolampy, izay naха-izy an'i Petera... Hanorina Ny Fiagonany eo ambonin'ny fiaikeny Petera Izzy. Hoy Izzy hoe, "Ny sasany izay mitsangana eto dia tsy hanandrana fahafatesana mandra-pahitan'izy ireo ny—ny Zanak'Andriamanitra avy amin'Ny Fanjakany."

<sup>128</sup> Ankehitriny, tsarovy, niteny Izzy hoe "sasany." Nihoatra ny anankiray izany, sa tsy izany? *Sasany* dia ho maro, "mihoatra ny anankiray." Fa jereo ankehitriny, nitsangana teo ireo Mpianany rehetra, ary nanontany ny tsirairay avy tamin'izy ireo Izzy hoe, "Inona no neverinareo mikasika an'ity?" Ary inona no neverinareo mikasika an'itsy?" Fa hoy Izzy hoe, "Misy ny sasany aminareo mitsangana eto, ny sasany mitsangana eto, tsy hanandrana fahafatesana mandra-pahitan'izy ireo ny Zanak'olona avy amin'Ny Fanjakany." Oh, oadray! Filazana iray toy ny inona! Eritrereto, roa arivo taona lasa izay no voalaza izany.

<sup>129</sup> Izany ve... ho... Mety diso ve ny Tenin'Andriamanitra? Ny Teny tsirairay izay Lazainy ve dia hiseho?

<sup>130</sup> Ankehitriny, raha tiantsika, dia mamadiha arak'izany ao amin'ny toko faha-17-n'ny Matio ny manaraka. Rehefa nitondra Izzy... Andro vitsy taorian'izany, Izzy dia nitondra an'i Petera,

Jakoba, ary Jaona, niakatra teny an-tendrombohitra, nitokana, mba ho vavolombelona. Petera, Jakoba, ary Jaona; ary nahita ny Fanjakan'Andriamanitra tonga tamin'ny hery izy ireo, nahita ny fihavian'ilay Fanjakan'Andriamanitra voaseho mialoha izy ireo. Amena! Oh, nentina tao amin'ny fahitana ny fihavian'ny Fanjakan'Andriamanitra voaseho mialoha izy ireo araka ny Nahatongavany, ny fampidirana ny Arivo taona. Nahita an'ilay fanehoana mialoha izy ireo.

<sup>131</sup> Fotoana vitsy lasa izay...andiana mpitoriteny iray, isan'izy ireo i Oral Roberts. Cecil B. DeMille, rehefa nanoratra an'io *Didy Folo* io izy, dia niantso an-dRahalahy Shakarian, Rahalahy Roberts, mpitory teny maro nanerana ny firenena, ny mpitory teny rehetra izay afaka ho tonga, ary nanasa azy ireo ho ao amin'ny toeran'ny sarimihetsika nialohan'ny namoahana an'ilay sarimihetsika, ka namela azy ireo hijery an'ilay fanehoana mialoha an'izany alohan'ny hany hampisehoana azy, nefà nampandoa dimy amby roapolo dolara ny tapakila iray izy ireo. Fa izy...Nahita ny fanehoana mialoha an'izany izy ireo, mba ahafahan'izy ireo hanolotra ny heviny na raha nisy tsikera mikasika an'izany na izay azo lazaina, sy ny sisa. Nahita an'izany talohan'ny nahitan'ny dabolobe azy izy ireo.

<sup>132</sup> Dia hoy Jesosy hoe, "Ny sasany aminareo mitsangana eto" (Amena!) "dia tsy hanandrana fahafatesana mandra-pahitan"izy ireo ny Fanjakan'Andriamanitra avy amin'ny hery," na, "mahita ny Zanak'olona avy amin'Ny Fanjakany," raha ny marina. "Mahita ny Zanak'olona avy amin'Ny Fanjakany!" Andro vitsy taorian'izany, Izy dia nitondra an'i Petera, Jakoba, ary Jaona, ka nandeha niakatra ny tendrombohitra avo, ary teo no Niovany tarehy teo anatrehan'izy ireo. Ny masoandro, namiratra, dia tsy hitovy amin'ireo Fitafiany izay Nanaovany. Impiry no nihaonantsika tamin'izany tao amin'ireo fanoharana, nandinika an'izany nanerana ny Baiboly isika!

<sup>133</sup> Afaka maka lahateny anankiray ao amin'ny Soratra ianareo ka mamato tra ny Baiboly manontolo miaraka amin'izany. Eny, tompoko. Tsy misy loaka iray na aiza na aiza! Voahosotry ny herin'Andriamanitra izany rehetra izany. Tsy afaka nisisika tao ny devoly raha tsy maintsy nisisika izy. Marina izany. Tsy afaka miditra ao amin'ireo olona masina izay nametraka ny fanambarany teo izy ary nino ny Fanjakan'Andriamanitra, ka naka ny Soratra tsirairay na nanosotra an'Izany tamin'ny herin'ny Fanahy Masina, nanasa an'Izany tamin'ny Rà; tsy afaka miditra ao amin'izany izao tontolo izao, tsy afaka miditra ao amin'izany ny devoly. Maty izy ireo, mifafina ao amin'i Kristy amin'ny alàlan'ny Tombokasen'Andriamanitra ny fiainan'izy ireo, amin'ny alàlan'ny Fanahy Masina. Ahoana no ahafahan'ny devoly hanelingelina azy ireo? Hmm! Eo izy ireo, ao amin'io toerana io ankehitriny.

<sup>134</sup> Tao amin'io toerana io, arak'izany, dia nahita ny Fihaviana izy, na ny fahitana mialoha. Ary inona ilay voalohany, nahita... ny zavatra izay hitany? Ny zavatra voalohany hitany tao amin'ny Fihaviana dia i Mosesy, naneho an'ireo olo-masina maty izay hitsangana. Nitsangana teo i Elia.

<sup>135</sup> Oh, tiako ianareo hanamarika an'izay hiseho. Teo i Mosesy, aloha; izany dia ireo taona enina izay natorian'izy ireo, taom-piangonana enina. Tsy izany ihany, fa teo i Elia; ilay iraky ny andro farany, niaraka tamin'ny vondrony, ilay niova tarehy, ilay Nampakarina. Amena! Ankehitriny amin'ny ho avy; miandry ny Fihaviana.

<sup>136</sup> Ary inona no ataon'izy rehetra ireo...? Ny rehetra dia niangona niaraka Taminy. Oh, oadray! Inona izany? Ny Fampanantenany tamin'i Petera, Jakoba, ary Jaona, dia tanteraka. Marina izany. Satria hoy Izy hoe, "Ny sasany aminareo mitsangana eto dia tsy hanandrana fahafatesana mandra-pahitan'izy ireo ny Zanak'olona avy amin'Ny Fanjakany," ary nahita an'ilay fahitana mialoha an'izany izy ireo. Avy eo taorian'io, taorian'ny fitsangana..."

<sup>137</sup> Tiako ny hitondra zavatra iray hafa aminareo; taorian'ny nahafatesan'i Jesosy, nandevenana, ao amin'ny Masindahy Jaona 21:20. Ny mpitsikera sasany dia nanomboka an'ity tamin'ny andro voalohany. Raha mbola ao amin'ilay lesona mihitsy isika, dia ndao ataontsika mazava izany. Ao amin'ny Masindahy Jaona 20:21, dia nihaona tamin'ireo Mpianany i Jesosy, namahana azy ireo trondro sy mofo teo ambonin'ny afo. Ary raha niakatra teo amin'ny morona izy ireo, dia niankina teo amin'ny Tratrany i Jaona; ka nametraka an'ilay fanontaniana i Petera, nanao hoe, "Inona no hitranga amin'ity lehilahy ity?" Tia an'i Jaona i Jesosy, Jaona dia lehilahin'ny fitiavana. Dia hoy izy hoe, "Inona no hitranga amin'ity lehilahy ity? Ho inona ny toerany? Ho inona ny ho aviny?"

<sup>138</sup> Dia hoy Jesosy tamin'izy ireo hoe, "Ahoanao inona raha maharitra mandra-Pihaviko izy, mandra-Piveriko? Inona izany?"

<sup>139</sup> Ary nanao fahadisoana iray ireo mpianatra, nilaza izy ireo fa "Jesosy dia nilaza fa—fa—fa 'izy dia ho velona mandrapahatongan'ny Fihaviana."

<sup>140</sup> Saingy tsy nanao fahadisoana Jesosy. Eto amin'ny Apokalypsy mihitsy, ny toko faha-4, dia nihazona Ny Teniny Kristy! Nitondra an'i Jaona niakatra nankany An-danitra Izy ka nampiseho mialoha taminy an'ilay zavatra manontolo. Voninahitra! Izy—nahita an'ilay fahitana mialoha izy. Nahita an'izany mihitsy toy ny hoe niaina tetra an-tany izy ary nahita an'ireo taom-piangonana manontolo niseho, ny fihavian'ny Tompo, ny Bokin'ny Apokalypsy manontolo. Oh, oadray!

<sup>141</sup> Hitanareo ve hoe tsy mety diso toy ny ahoana ireo Fampanantenany? Ankehitriny, ianareo dia voafidy...Jakoba hanao an'izany; Jaona, ny sisa rehetra tamin'izy ireo; tsy namela an'i Paoly hahita an'izany akory aza, hiteny an'izany, na inona na inona.

Hoy Izy hoe, “Ahoanao inona raha maharitra mandra-Pihaviko izy?”

<sup>142</sup> Ary satria nilaza an'izany izy ireo, dia nifidy an'i Jaona fotsiny Izy ka nitondra azy niakatra ary naneho taminy an'ilay zavatra manontolo talohan'ny nahafatesany mihitsy aza, toy ny hoe niaina an'ilay zavatra manontolo mihitsy izy hatramin'ny farany. Naneho taminy an'izay hisy! (Rahalahy Pat, tsy mahafinaritra ve izany?) Oh, hitanareo, nitondra azy niakatra. Eto mihitsy, ny toko faha-4 ary ny andininy faha-2, no manaporofa an'izany. “Nasehony taminy ireo zavatra izay nisy, izay misy, ary izay ho avy.” Nasehony taminy ny taom-piangonana, ny fahatongavan'ireo Jiosy, ny fandrarahana an'ireo loza, ny Fampakarana, ny Fihaviana indray, sy ny Arivo taona, ary ny Trano Mandrakizay an'Ireo Voavonjiny; toy ny hoe niaina hatramin'ny farany an'ilay zavatra manontolo mihitsy izy, ary nahita an'izany rehetra izany nitranga. Hitanareo? Hitanareo? Nitondra azy niakatra fotsiny Izy ary naneho taminy an'ilay-ilay-ilay horonan-tsary izay Alefany, namela azy hahita an'ilay zavatra manontolo voaseho mialoha. Oh, oadray!

<sup>143</sup> Nakarina izy. Nananteraka ny Fampanantenany ao—ao amin'ny Apokalypsy 4:2. Talohan'ny fahafatesany dia nakarina tao amin'ny Fanahy izy ka nahita an'ireo zavatra toy ny hoe niainany mihitsy. Izy—nahita an'izany rehetra izany voaseho mialoha izy. Noho izany dia nahita izy, tao amin'ny fahitana iray, an'izay hiseho marina tokoa ary niseho teto an-tany nanomboka tamin'io fotoana io hatrany amin'ny fihavian'ny Tompo Jesosy. Maneho an'izany aminy ao amin'ny fahitana.

<sup>144</sup> Noho izany ireo mpianatra...na tsy nisy anankiray izay hany nilaza fa Izy dia nilaza fa ho tonga tao amin'io taona io Izy. Hoy Izy hoe, “Ahoanao inona raha, (amin'ny teny hafa), raha maharitra izy mandra-Pihaviko?” Noho izany dia Nentiny niakatra izy ary naneho mialoha taminy fotsiny an'ilay zavatra ary naneho taminy an'izay hitranga. Oh, tiako fotsiny izany. Hmm. Oh, oadray!

<sup>145</sup> Mariho ankehitriny, ndao jerentsika hoe inona izany:

*Ary niaraka tamin'izay dia tao amin'ny fanahy aho: ka, indro, seza fiandrianana iray nipetraka tany an-danitra, ary nisy anankiray nipetraka teo ambonin'izany, ambonin'ny seza fiandrianana.*

<sup>146</sup> Nisy “Feo” iray izay niantso azy. Oh, io Feo io! Oh, tsy afaka miala lavitra an'izany aho, io Feon’io Anankiray taoriany io. Avy

eo dia nijery manodidina teo izy, ka Nasehony taminy ireo taom-piagonana rehetra, satria izy dia nitsangana tao *anatin’ireo* taom-piagonana, ireo fanaovan-jiro volamena fito. Noho izany dia nandre an’io Feo io izy taorian’ny nitsaharan’ireo taom-piagonana; niala tamin’ny tany io Feo io, nandeha niakatra. Rehefa niditra tao amin’ny Voninahitra Izzy, dia nandre Azy izy nanao hoe, “Miakara eto! Hasehoko anao izay hitranga rahatrizay.” Oh, oadray!

<sup>147</sup> Io Feo io! Ndao isika hiresaka mikasika an’io Feo io iray minitra; manana Soratra sasantsasany aho voasoratra eto. Ndao isika handeha ao amin’ny Tesaloniana Voalohany 4, ka henoy fotsiny izay ho lazain’io Feo io eto. Oh, isika rehetra dia mahafantatra an’izay Holazainy, tsy misy... alohan’ny hamakantsika an’izany, sa tsy izany? Fantatsika izay hitranga. “Hotsofina ny trompetran’Andriamanitra ka ny maty ao amin’i Kristy no hitsangana.” Marina ve izany? Ianareo izay mandray naoty an’izany, ao amin’ny Tesaloniana Voalohany 4:16 sy 17, “ilay Feo,” io Feo io dia ny Feon’i Kristy. Marina ve izany? Ny Feon’i Kristy!

*Fa ny...trompetran’Andriamanitra dia hotsofina, ka ny maty ao amin’i Kristy no hitsangana aloha:*

*...isika izay velona ka mitoetra dia hakarina miaraka amin’izy ireo... mba hitsena ny Tompo eny amin’ny habakabaka: ary mandrakizay dia hiaraka amin’ny Tompo.*

<sup>148</sup> Ilay Feo iray ihany izay niantso an’i Jaona hoe, “Miakara,” ilay Feo iray ihany izay nilaza tamin’i Jaona hoe, “Miakara,” no ilay Feo iray ihany izay hiantso an’ilay Fiagonana indray andro any (Amena!), hiantso an’ilay Fiagonana.

<sup>149</sup> Izao koa, ilay Feo iray ihany izay niantso an’i Jaona hiakatra, no ilay Feo iray ihany izay niantso an’i Lazarosy maty avy tao am-pasana, ilay Feo iray ihany an’ilay arikanjely. Kristy no Feon’ny arikanjely, “Feon’ny arikanjely,” hitanareo. Oh, io Feon’ny trompetran’i Kristy io no niantso an’i Jaona hiakatra, ilay Feo iray ihany izay niantso an’i Lazarosy. Efa voamarikareo ve teo amin’ny fasan’i Lazarosy, niteny tamin’ny Feo mahery Izzy. (Tsy nanao fotsiny hoe, “Lazarosy, mivoaha.”) “*Lazarosy, mivoaha!*” Izany no niantso azy avy tao amin’ny maty.

<sup>150</sup> Dia namaly izy hoe, “Inty aho.” Ary nivoaka avy tao amin’ny maty izy, taorian’ny nahafatesany sy nahalò ny vatany.

<sup>151</sup> Io Feo iray io ihany no nilaza tamin’i Jaona hoe, “Miakara eto, haneho zavatra sasantsasany aminao izay vonona hitranga Aho.”

<sup>152</sup> Io Feo iray io ihany izay haneno rehefa hitsangana ny maty ao amin’i Kristy, “Fa ny trompetra...” Ny trompetra! Inona ny trompetra iray? Ny Feon’i Kristy, ilay Anankiray ihany izay naneno sy niantso azy hiakatra. Nandre an’ilay Feo tahaka

ny trompetra iray naneno izy ka nanao hoe, "Miakara aty!" Hitanareo ve hoe ho toy ny ahoana ny fitsanganana? Ho vetivety izany, ao anatin'ny indray mipy-maso. Io Feo maneno mazava io, ary hiantso an'ilay Fiagonana Izzy, hiantso hoe, "Mivoaha avy ao aminy." Io Feo mahery miantsio io. Andriamanitra, ampio aho handre an'Izany amin'io andro io.

<sup>153</sup> Tahaka ny nolazaiko mazàna... Fantattro, amin'ny mahamety maty iray, Rodney, fantattro fa misy varavarana goavana mainty iray mipetraka eo alohako, izany dia antsoina hoe fahafatesana. Isaky ny midoboka ny foko, dia akaiky kokoa an'io varavarana io aho isaky ny fidoboka iray. Indray andro any dia tsy maintsy hiditra ao anatiny aho. Fa tsy tiako ny hiditra tahaka ny kanosa iray, hiantsoantso sy hihorakoraka. Tiako ny hiditra ao amin'io, mandrakotra ny tenako ao amin'ny akanjon'ny Fahamarinany, mahafantatra an'izao: hoe mahafantatra Azy ao amin'ny herin'ny Fitsanganany aho; ka indray andro any rehefa miantsio Izzy, dia hivoaka avy eo anivon'ny maty aho; rehefa miantsio ahy hiseho any Ambony Izzy, rehefa hotsofina ny trompetran'Andriamanitra ka hitsangana ny maty ao amin'i Kristy, raha velona aho, dia hovaina vetivety, ao anatin'ny indray mipy-maso, ary handeha miaraka amin'ny sisa amin'izy ireo, hiakatra hitsena ny Tompo eny amin'ny habakabaka. Io Feon'ny trompetra io, feo mazava, mafy. Hmm. Oh, ho ilay iray ihany izany, ilay iray ihany amin'Ny Fihaviany.

<sup>154</sup> Tsy misy feo hafahafa mikasika an'Izany. Tsy nisy na inona na inona hafahafa tamin'i Jaona rehefa nandre an'io Feo io izy nanao hoe, "Miakara!" dia avy izy. Amena.

<sup>155</sup> Rehefa i Lazarosy, tao amin'ny maty, tao am-pasana; ary ny fanahiny, dia efatra andro tany ho any, tsy fantattro hoe taiza no nisy azy, tsy mihevitra aho fa mahafantatra ny iray amintsika. Na taiza na taiza ilay izy, dia tsy manao fahasamihafana izany na kely aza. Nanao antso iray fotsiny Izzy ho an'ny lehilahy iray izay nohanin'ny kankan'ny hoditra tanteraka ny vatany; maimbo, tao am-pasana. Hoy io feon'ny Trompetra mazava io hoe, "Lazarosy, mivoaha!" Indro ny lehilahy iray, maty ary lò, nanetsika ny tenany ary nivoaka avy tao am-pasana, nandeha. Tsy misy hafahafa mikasika an'izany, sa tsy izany, rahalahy? Tsy misy maha-hafahafa eo amin'izany!

<sup>156</sup> Izany ilay zavatra iray ihany izao hariva izao, rehefa hoy ny Feo maneno mazava hoe, "Ry mpanota, mibebaha, hanome anareo Fiainana Mandrakizay Aho." Mibebaha, ny tsirairay avy aminareo, ary aoka hatao batisa amin'ny Anaran'i Jesosy Kristy ho an'ny famelàna ny fahotanareo, ary ianareo handray ny fanomezan'ny Fanahy Masina. Izany ilay antso. Tsy misy na inona na inona hafahafa mikasika an'Izany.

<sup>157</sup> Vavolombelona iray aho fa marina Izany. Misy vavolombelona hafa, an-tapitrисаны amin'izy ireo manerana

an'izao tontolo izao androany, izay vavolombelona iray fa izany no Fahamarinana. Rehefa tonga ny Baiboly, ny Tenin'Andriamanitra, dia trompetra iray ny Tenin'Andriamanitra tsirairay. Ny feon'ny Teny tsirairay dia trompetra iray, ny trompetran'ny Filazantsara. Ary rehefa maneno Izany, dia izany no Fahamarinana. Rehefa hoy Izany hoe, "Jesosy Kristy, ilay tsy miova omaly, anio, ary mandrakizay," dia tsy misy na inona na inona hafahafa mikasika an'Izany. Izy no tsy miova! Eny, tompoko.

<sup>158</sup> "Mibebaha, aoka hatao batisa amin'ny Anaran'i Jesosy Kristy, ianareo handray ny fanomezan'ny Fanahy Masina." Tsy misy na inona na inona hafahafa mikasika an'Izany.

<sup>159</sup> "Izay mandre Ny Teniko ka mino Izay naniraka Ahy no manana Fiainana Mandrakizay. Izay mino Ahy, na dia maty aza izy dia mbola ho velona. Izay velona ka mino Ahy dia tsy ho faty intsony. Mino an'izany ve ianao?" Tsy misy na inona na inona hafahafa mikasika an'Izany, "Ho velona izy!"

<sup>160</sup> "Izay mihinana nynofoko sy misotro ny Ràko no manana Fiainana Mandrakizay, ary Izaho hanangana azy indray amin'ny andro farany." Tsy misy na inona na inona hafahafa mikasika an'Izany; na inona na inona; feo azo antoka iray Izany.

<sup>161</sup> Oh, fantatro Izany, nandre an'Izany tao am-poko Irlandais aho indray andro, izaho, mpanota ratsy kely iray. Ahoana no mba nahafahan'izany nanao ho ahy? Saingy nino aho fa feo azo antoka iray Izany, nanaiky an'Izany aho. Vavolombelona iray aho fa marina Izany.

<sup>162</sup> Indray andro any dia hiantso indray Izy, dia hivoaka avy ao amin'izao tontolo izao isika. Satria tsy misy hafahafa mikasika an'io trompetra io. Eny, tompoko. Eny, tompoko, tsy misy feo hafahafa, amin'ny fotoana rehetra.

<sup>163</sup> Mitsoka Izy androany rehefa miantso antsika Izy, Izany dia ilay iray ihany mihitsy rehefa miteny zavatra amintsika Izy.

<sup>164</sup> Ankehitriny, ndao isika hiverina amin'ilay andininny:

*Ary ny...indro, nisy sez a fiandrianana iray tany an-danitra,...(andininy faha-2)...ary nisy anankiray nipetraka teo ambonin'izany.*

<sup>165</sup> Naotio, "ilay Seza fiandrianana," nipetraka teo ambonin'ilay Seza fiandrianana Izy. Tsy tao anatin'ireo fanaovan-jiro intsony Izy ankehitriny, teto an-tany. Efa tonga ny Fampakarana. Tany amin'ny Voninahitra Izy, nipetraka teo amin'Ny Seza fiandrianany. Tiako ianareo hanohy hanamarika, hahita mihitsy aza isika ao amin'ny toko faha-5, tsy Seza fiandrianan'ny famindram-po izany. Tsy Seza fiandrianan'ny famindram-po intsony izany, izany dia Seza fiandrianan'ny fitsarana. Tsy Seza fiandrianan'ny fahasovana izany, izany dia Seza fiandrianan'ny fitsarana satria afo sy tselatra ary

kotrokorana no nivoaka avy tao amin'izany; tsy izany intsony, efa tapitra ny famindram-po, nifarana ilay taom-Piangonana. "Izay maloto mbola maloto ihany; izay marina mbola marina ihany; izay masina mbola masina ihany," tsy Seza fiandrianan'ny famindram-po intsony.

<sup>166</sup> Izao hariva izao, dia mipetraka eo ambonin'io Seza fiandrianana io ny Rà ary izany dia sezan'ny famindram-po ho an'ny mpanota tsirairay izay mitady famindram-po. Fa amin'io andro io, dia tsy ho sezan'ny famindram-po intsony izany amin'izay fotoana izay, ho sezan'ny fitsarana miaraka amin'Andriamanitra tezitra iray mipetraka eo izany. "Izay... Raha saiky tsy voavonjy ny marina, dia aiza no hisehoan'ny mpanota sy tsy masina?" Na dia rehefa tonga ao anatin'ny rahon'ny Voninahiny mihitsy aza Izy, dia hiezaka hahita toerana iray hiafenana ireo tendrombohitra. Aiza *isika* no hijanona, amin'izany fotoana izany?

Oh, sarobidy io fikoriana io  
 Izay manao ahy ho fotosy toy ny oram-panala;  
 Tsy misy loharano hafa fantatro,  
 Tsy misy afa-tsy ny Ràn'i Jesosy.

<sup>167</sup> Oh, oadray, lesona iray toy ny inona! Tsy misy feo hafahafa!  
 Ary Ny Seza fiandrianany:

...ary Izy *nipetraka teo ambonin'Ny sezafianadianany*. (Tsy eto intsony Izy.)

<sup>168</sup> Ankehitriny, zavatra hafa iray izany, porofo iray izany fa nakarina ilay Fiagonana mialohan'ilay Fahoriambe Lehibe. Hitanareo? Nahoana? Indro Izy eo ambonin'ny Seza fiandrianana any amin'ny Voninahitra, ary lasa ilay Fiagonana, ary avy eo dia tonga ny Fahoriambe.

<sup>169</sup> Nilaza foana aho fa tamin'ny andron'i Noa, Noa dia efa tao anatin'ny sambofiara talohan'ny nilatsahan'ny tetendranonorana anankiray. Efa tany ivelan'i Sodoma i Lota talohan'ny nilatsahan'ny afo. Ary ho any amin'ny Voninahitra ilay Fiagonana alohan'ny ilatsahan'ireo atomika. Marina izany, alohan'ny ilatsahan'ireo atomika.

<sup>170</sup> Hoy ianareo, "Ahoana ny amin'ilay anankiray voalohany?" Teo amin'ireo mpanompo sampy izany, fa tsy ireo Kristiana.

<sup>171</sup> Ankehitriny, mariho. Oh! Nahavita ny Asany teto an-tany Izy ary nitondra Ny Fiagonany Izy, ary ankehitriny dia mandefa ny fitsarana Izy. Nandà Azy izao tontolo izao, ka nandefa ny Fitsarany Izy. Lasa nankany amin'ny Voninahitra Izy sy Ny Fiagonany.

<sup>172</sup> Jaona, teo amin'ny nosy Patmo, mpanambara iray ho an'ny fiagonana, dia efa tandindon'ilay Fiagonana izay nakarina any amin'ny Voninahitra, "Miakara aty!" Maneho...

Hoy ianareo hoe, "Naneho an'ilay Fiagonana ve izy?"

<sup>173</sup> Ho an'ny tsirairay avy izay mihaino an'ity Teny ity, dia i Jaona no naneho azy. Amena! Jaona no solontenan'ny Ràn'i Jesosy Kristy, filazana ny Teny. Vavolombelona iray an'ny batisan'ny Fanahy Masina izy, niaraka tamin'ny fiombonana manokana tamin'i Kristy, ary izy no naneho an'ilay Fiagonana manontolo; hoe, ny lehilahy na vehivavy tsirairay, zazalahy na zazavavy izay hany nino an'i Kristy, manaiky Azy eo amin'ireo fototra iray ihany, dia hantsoina izy indray andro any hoe, "Miakara aty!" hakarina mialohan'ny Fahoriambe. Tsarovy, tsy mbola nipetraka ny fotoan'ny Fahoriambe.

<sup>174</sup> Izao no fotoana, fipetrahan'ny fitsarana. Naseho an'i Jaona ankehitriny izay hiseho aorian'ny taom-Piagonana. Hitanareo? Noho izany, dia izay ilay izy.

<sup>175</sup> Ankehitriny, mariho indray ao amin'ny andininy faha-3, na faha-2, "Seza fiandrianana iray nipetraka tany An-danitra, ary Anankiray nipetraka teo ambonin'ny Seza fiandrianana." Ankehitriny, ilay Fanahy iray ihany izay teto an-tany, no niala ary lasa nankany amin'ny Voninahitra, ary nipetraka (ilay Jesosy iray ihany izay miaraka amintsika izao hariva izao) ao amin'ny famindram-po, dia lasa nankany amin'ny Voninahitra ka mipetraka eo ambonin'ny Seza fiandrianana.

*Ary izay nipetraka teo ambonin'ny Seza fiandrianana dia tahaka ny jaspy sy...vato karneola: ary nisy avana iray nanodidina teo amin'ny seza fiandrianana, tamin'ny endrika mitovy amin'ny emeralda.*

<sup>176</sup> Hijanona aho, satria misy an'ireo rahalahy hafa hitory teny.

Angamba halaiko ity amin'ny maraina, eto mihitsy. Ary noho izany, "mitovy amin'ny emeralda iray." Oh, oadray! Oh!

Misy olona saiky hatraiza hatraiza,  
Izay mirehitra tanteraka ny fony (Tsy tianareo ve izany?)  
...afо izay nilatsaka tamin'ny Pentekosta,  
Izay nanadio ka nanao azy ireo hadio;  
Oh, mirehitra ato anatin'ny foko izany  
ankehitriny,  
Voninahitra ho an'Ny Anarany!  
Tena faly aho fa afaka milaza hoe isan'izy ireo aho.

<sup>177</sup> Jaona, nantsoina ary nasain'ny Tompo Jesosy, nampanantenain'Andriamanitra tany fa hahita ny fihavian'ny Zanak'olona izy. Petera, Jakoba, ary Jaona, ary izy ireo nitsangana nanatrika, rehefa niteny tamin'izy ireo Jesosy ka nanao hoe, "Misy sasany mitsangana eto izay tsy hanandrana fahafatesana mandra-pahitany ny Zanak'olona tonga." Tsy nilaza Izy hoe "ny rehetra" izay nitsangana teo, fa "ny sasany." Dia lasa izy ireo, andro vitsy taorian'izany, ka nahita ny lamin'ny fitsanganana voaseho mialoha, sy ny fihavian'ny Tompo.

<sup>178</sup> Elia no naneho an'ireo olo-masina maty... Ny tiako lazaina dia i Mosesy, ary natsangana. Elia no naneho an'ilay andiany nakarina. Tsarovy, Mosesy no voalohany, ary avy eo i Elia. Elia no tsy maintsy ho ilay iraky ny andro farany, hoe miaraka aminy sy ny vondrony no ho tonga ny fitsanganana... ho tonga ny... eny, ho tonga ny Fampakarana, no tiako lazaina. Mosesy no nampiditra ny fitsanganana ary Elia no nampiditra an'ilay vondrona Nampakarina. Ary, teo, izy roa ireo dia voaseho teo mihitys.

<sup>179</sup> Ary afaka kelikely dia nahamarika izy ireo noho izany, ary nahita izy ireo, ka hoy i Petera hoe, "Ndao isika hanorina tabernakely telo. Aoka ny sasany handeha eo ambanin'ny lalàna, ary aoka ny sasany handeha eo ambanin'i Elia, ka ndao isika handeha (ny sasany amin'izy ireo) amin'ity lalana ity."

<sup>180</sup> Ary raha mbola niresaka izy ireo, dia niteny ny Feo iray ka nanao hoe, "Ity no Zanako Malalako, Izy no henoy." Ary rehefa njery izy ireo, dia nahita an'i Jesosy irery, nifangaro tao anatin'ny Anankiray ny zavatra rehetra. Oh, ary Izy no Hazavana, ny Fahamarinana, ny Lèlana, ny Varavarana, ny Avana.

<sup>181</sup> Oh, rahampitso dia hanana lesona iray lehibe isika, raha sitraky ny Tompo. Rahampitso dia halaintsika "ireo fitsarana"; halaintsika "ny vato karneola," hahita hoe inona no asehon'izany, ampahany inona no nolalaovin'izany. Ary halaintsika ny—ny—ny "jaspy" ary halaintsika ny...ireo vato samihafa rehetra, ary halaintsika ireo rehetra ireo amin'ny alàlan'i Ezekiela, miverina ao amin'ny Genesisy, miverina ao amin'ny Apokalypsy, tonga ao afovoan'ny Baiboly, mamato tra azy miaraka, ireo vato sy loko samihafa ireo, sy ny sisa. Ary avy eo dia entintsika miverina avy hatrany amin'izany ilay izy ka hahita raha tsy marina izany. Hitanareo? Hahita raha tsy ilay loko iray ihany sy ny sisa izany, ilay zavatra iray ihany fotsiny. Ary ilay Fanahy Masina iray ihany, ilay Andriamanitra iray ihany, maneho an'ireo famantarana iray ihany, fahagagana iray ihany, manao an'ilay zavatra iray ihany araka ny Nampanantenainy mihitys!

<sup>182</sup> Niteny tamin'i Petera Izy, Jakoba, ary Jaona, ary izy ireo nitsangana teo, ireo Mpianany rehetra, nanao hoe, "Ny sasany aminareo dia tsy hahita fahafatesana mandra-pahitany ny Zanak'olona tonga amin'Ny Fanjakany."

<sup>183</sup> Nilaza tamin'i Jaona, nanao hoe... Hoy i Petera hoe, "Inona no Hataonao aminy? Izy... Io—io lehilahy io, inona no hitranga aminy?"

<sup>184</sup> Hoy Izy hoe, "Ahoanao inona raha mahita Ahy tonga izy?" Ary namela azy ho velona hahita an'izany Izy! Taorian'ny nahafatesan'ny sisa tamin'izy ireo ka lasa, dia velona i Jaona mba hahita ny fihavian'ny Tompo voaseho mialoha tao amin'ny

hery, tafapetraka ilay sehatra manontolo nanomboka tamin'ny androny mandra-pifaran'ny Fitsarana ka niditra ny Arivo taona. Nahita ny kely indrindra tamin'izany i Jaona, ary nifarana ny Arivo taona, dia nanomboka ny Taonan'ny Fanjakana. Noho izany dia mihazona Ny Teniny Izy, sa tsy izany Izy?

<sup>185</sup> Hanamarika an'izany isika eo amin'ny andininy faha-2. Raha sitraky ny Tompo, dia hanomboka ny andininy faha-3 isika amin'ny maraina.

Ndao isika hanondrika ny lohantsika.

<sup>186</sup> Firy izao hariva izao, ato amin'ity fiangonana ity, izay mahafantatra, ry rahalahiko, fa, (ranabaviko), fa hantsoina ianareo indray andro any, na vonona ianareo na tsia? Na niomana ianareo na tsia, dia hantsoina hihona amin'Andriamanitra ianareo. Hotsofina io trompetra io; ary rehefa mitsoka izy, dia hitsoka ho fanamelohana ho anareo, eo amin'izay tsy hahavelona anareo intsony indray ka hampijaliana ao anatin'ireo lavaky ny helon'ny devoly ianareo mandritry ny an-tapitrisany taona angamba, na hiantso anareo any amin'ny Avo izany mba hihona amin'ireo Olo-masina be voninahitra.

<sup>187</sup> Azo antoka mihitsy tahaka an'Andriamanitranihazona Ny Teniny tamin'i Petera, Jakoba, ary Jaona; azo antoka mihitsy tahaka ny Nihazonany an'Izany tamin'i Jaona ilay malala, ilay mpanambara; azo antoka mihitsy tahaka ny Nihazonany ny Fampanantenany nanerana an'ireo taom-piangonana; azo antoka tahaka ny Nampanantenainy ao amin'ity andro farany ity fa handefa ny fara-orana Izy ary hamerina an'ilay Fanahy iray ihany izay tao Aminy tetra an-tany, fa ho tonga ny Hazavana amin'ny andro hariva ka haneho an'ilay Hery iray ihany, ireo famantarana iray ihany, ary ny zavatra rehetra izay Nataony tamin'ny Androny dia Hasehony indray izany ao amin'ity "Varavarana mivoha" ity amin'ny andro farany.

<sup>188</sup> Io Izany! Manana Azy miaraka amintsika mihitsy isika ankehitriny, ny Fanahy Masina, Jesosy Kristy, ilay tsy miova omaly, anio, ary mandrakizay. Ianareo dia... Mitory teny aminareo Izy, mampianatra anareo Izy, miezaka ny hanao anareo hahita an'izay marina sy diso Izy. Izany no Fanahy Masina Izy tenany miresaka amin'ny alàlan'ny molotr'olombelona, miasa eo anivor'ny olombelona, miezaka maneho famindram-po sy fahasoaavana.

<sup>189</sup> Ary raha mbola tsy nandray Azy ianareo, ka eo amin'ity harivan'ny Ankatoky ny Taona Vaovao ity dia te-hanangana ny tånanareo amin'Andriamanitra ianareo ka hanao hoe, "Andriamanitra, avelao aho handray an'ilay Hery izay teo amin'i Jaona ilay mpanambara, ka rehefa antsoina aho dia hiseo eo Anatrehanao amim-piadanana tahaka ny nataony"? Atsangano ny tånanareo. Andriamanitra hitahy anao. Andriamanitra hitahy anao. Manerana ny fiangonana rehetra mihitsy.

Andriamanitra hitahy anao. "Avelao aho ho vonona hamaly an'ireo antsoko."

<sup>190</sup> Ry Rainay any An-danitra, satria ity Ankatoky ny Taona Vaovao ity...saiky eo amin'ny adiny roa eo ankehitriny dia ho tapitra izy, hisy taona vaovao iray. Izay nataonay tamin'ity taona ity dia nataonay. Zavatra maro no nataoko, ka, menatra ny tenako aho; mibebaka aho ny amin'ireo, Tompo.

<sup>191</sup> Ary misy zavatra maro izay nataoko izay tsy azon'ny maro amin'ireo rahalahiko. Maro amin'ireo rahalahiko eny amin'ny saha no tsy mahazo hoe nahoana aho no nanao azy ireny. Fa, Ray, nanao azy ireny aho satria voatarika hanao azy ireny. Mivavaka aho, Ray, mba tsy Hamelanao ahy mihitsy ho menatra ny amin'io fitarihana io. Fa tarioho aho, Tompo, mba hanohy hanao arak'izay itarihana ahy hanao. Ampio aho, Andriamanitra, satria mitady am-pahatsoram-po ny hahafantatra ny Sitraponao aho, mba ahafahako hanao an'izany hitondra (araka ny Nasehonao ahy taona maro lasa izay rehefa nandao an'ity fiangonana ity aho) an'ilay Mofon'Aina ho an'ireo olon'izao tontolo izao. Rehefa nahita an'io tendrombohitra lehibe an'ny Mofo io aho, sy ireo Olo-masina niakanjo fotsy tonga avy amin'ny tany rehetra mba hihinana an'io Mofon'Aina io. O Andriamanitra, avelao aho—O Andriamanitra, aza mamela ahy mihitsy, mihitsy ho diso amin'ny famahanana ny olona amin'ny Mofon'Aina.

<sup>192</sup> Tahio ireto fanahy noana ato ireto izay nanangana ny tànany izao ankehitriny izao. Mitady Fiainana betsaka izy ireo. Mivavaka aho mba Hamenoanao azy ireo amin'ny Fanahy Masina, Tompo, ny tsirairay avy amin'izy ireo. Andriamanitra, ekeo izany. Omeo fitahiana izy ireo. Ampio ireo rahalahinay, hatraiza hatraiza.

<sup>193</sup> Tahio ireo rahalahinay mitoriteny izay vonona ny hiakatra indray, ankehitriny afaka fotoana vitsy, hiresaka ireo hafa. Mivavaka izahay mba hizaran'izy ireo an'ilay Mofon'Aina ho anay izao hariva izao, Ray, ary hihaino tsara sy am-panajana izahay mba handre an'ilay Feo. Ekeo izany.

<sup>194</sup> Tahio izahay. Ary enga anie ity mangiran-dratsin'ny taona vaovao ity miaraka amin'ireo fanantenana vaovao, hitondra fisainana vaovao, fanambarana vaovao, hery vaovao, oh, ny zavatra rehetra. Enga anie havaozina aminay indray, Tompo, ireo Fitahianao sy ireo teny fikasana. Mametraka ny tenanay izahay, miaraka amin'ny vavakay, eo an-Tànanao. Amin'ny Anaran'i Jesosy Kristy. Amena.

Misaotra anareo, ry rahalahiko sy anabaviko.

<sup>195</sup> [Miresaka Rahalahy Neville hoe: "Azoko antoka fa afaka hifaly isika rehetra tsy maika mihitsy isika ary faly nitohy nihaino fotsiny; satria nitondra an'ity hafatra ity ho antsika Rahalahy Branham izao hariva izao. Ary ny hafatra no mampahery antsika satria fantatsika fa Andriamanitra no

ao anatin'izany. Amena.”—Mpand.] Deraina ny Tompo! [“Ary izay Nolazainy dia Hainy tanterahina tsara izany hatramin’ny Fihaviany indray mihitsy aza.”] Eny. [“Ary Hataony izany, tsy izany ihany, nilaza matetika aho fa . . . milaza amin’ny olona imbetsaka izahay hoe, ‘Mino ve ianareo fa afaka manasitrana anareo Jesosy Kristy?’ ary, mazava ho azy, mazàna dia afaka manao azy ireny hanaiky an’izany ianareo. Fa ny zavatra amin’ilay izy dia, mino ve ianareo fa hanasitrana anareo Izzy ankehitriny?”] Amena! [“Noho izany dia hoy ny olona matetika hoe, ‘Eny, tsy fantatro.’ Vao maty ilay ramatoa tany amin’ny hopitaly; nandeha aho njery azy, nanao hoe, ‘Ranabavy, mbola mino foana ve ianao fa mamonjy Jesosy?’ Hoy izy hoe, ‘Eny, mino aho.’ Hoy aho hoe, ‘Mino ve ianao fa manasitrana Jesosy Kristy?’ Hoy izy hoe, ‘Eny, tompoke, mino aho.’ Hoy aho hoe, ‘Mino ve ianao fa manasitrana anao Izzy izao ankehitriny izao?’ Hoy izy hoe, ‘Izay no tsy fantatro.’ Dia hoy aho hoe, ‘Ranabavy, afaka mahafantatra an’izany ianao satria ho anao ny teny fikasana.””] Amena! [“Amena. Izzy no nanao ny teny fikasana. Ankehitriny, raha mbola hihaino anankiray hafa amin’ireo rahalahintsika eto isika. Manana maro isika manodidina ary ity . . . Eo amin’ny Ankatoky ny Taona Vaovao, dia tsy manana fandaharana voalahatra mialoha isika. Tonga miaraka fotsiny isika ka mamela an’Andriamanitra hihetsika arak’izay Itondrany sy itarihany.”] Amena! [“Ary fantatrareo, efa ela be izay no nandrenesantsika an-dRahalahy Pat Tyler sy nanomezany ny fijoroany vavolombelona na inona na inona apetraky ny Tompo ao am-pony. Ary hangataka an-dRahalahy Pat isika hitondra an’izay apetrak’Andriamanitra ao am-pony. Fa alohan’ny iakarany, rahalahy Kristiana tsara iray iry aoriana iry, Rahalahy Randall Hyman, ary eto izy ary manana talenta hihira ho an’ny Tompo izy sady fantatrareo. Naniry mihitsy aho ny ahafahany mampiasa an’izany talenta izany ho an’ny Voninahitr’Andriamanitra, noho izany dia hangataka an-dRahalahy Randall aho raha hiakatra izy ka hihira ho antsika. Nihira ho antsika indray mandeha na indroa izy teto ka hangataka azy hampiasa ny talentany indray izao hariva izao ho an’ny Tompo Jesosy, raha sitrany. Raha ho avy izy ankehitriny hihira ho antsika. Manana olona tanora vitsivitsy izy iry aoriana iry izay ampiany hikarakara, fa angamba afaka handeha izy ankehitriny hiakatra ka hihira ho antsika. Raha eo am-panaovana an’izany izy, isika koa dia manana an-dRahalahy Kinder eto aoriana eto; rahalahy malala Pentekotista, faly isika ny aminy. Ary manana an-dRahalahy J. T. Parnell isika iry aoriana iry any ho any. Heveriko fa mipetraka eto aoriana eto any ivelan’ny laharana izy. Ary faly tanteraka ny amin’ireto rahalahy Kristiana tsara rehetra ireto . . . ”] Beeler eo. [“. . . ireo rahalahin’ny finoana ary ndao jerentsika.”] Rahalahy Beeler dia iry aoriana iry. [“Rahalahy Beeler dia eto aoriana eto, ihany koa. Eny. Eto Rahalahy Beeler ary . . . ”]



*APOKALYPsy, TOKO FAHEFATRA FIZARANA I* MAG60-1231

(Revelation, Chapter Four Part I)

ANDIAN'NY FANAMBARAN'I JESOSY KRISTY

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 31 Desambra, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)